

كردستان

ماضیسی ، حالی ، استقبالی

جزیره حقنده الك اطرافلی الك مکمل معلوماتی جامعدر

بواطه « کرید » کویا الینوسلارک منتشر
اولدیغی ممالکی زیر تغلب و حکومتیه آلمق
ایچون بوموقمه قونمشدر .
آریسطو



برچوق وثائق تاریخیه جمع وتبعی ایله بر هیئت مخصوصه تحریریه
طرفندن تألیف وتلفیق اولمشدر .

۸۰ قطعه رسمله مزین وبرقطعه مکمل خریطه بی حاویدر

VELİD EBÜZZİYA



قسطنطنیه

مطبعه ابو الضیاء

۱۳۲۸ R


۱۹۱۲

۱۳۳۱ H

TDVİSAM
Kütüphanesi Arşivi
No 2E.1084

TDVİSAM
Kütüphanesi Arşivi

NO



مقدمه

کرید اطمه سی اوروپا، آسیا و آفریقا قطعه لرندن ایکی ارلکیسنه تقریباً مساوی بعدده بولمق و هراوجنک اورتسسنه دوشمک اوزره بحرسفیدک براز شرق طرفنده ووسطنده کائندر . اقلیمک اعتدالی وطبیعتک فیضی اعتبارله بحرسفید قیلمری کره ارضک کافه اقالیم وحوالیسنه قارشلی اعلان تفرد ایده جک کالی حائر اولوب ، کرید ایسه بودکزک اورتسسنه دوشدیکندن ، محاسن طبیعتک خلاصه الخلاصه سی اطلاقنه شایاندر . بوحوالی پی محشر جزائر حالنه کترین طبیعت برکانیه اطمه تک قسم اعظمی طاغیر ، وبالخاصه حوالی جنوبیه سنی قبالایله طولدورمش ایسه ده ، بالفرض آسیا ایجریلرنده نظره وحشی کورونمک اقتضا ایلیان بو صخره پاره لر ، بحرسفیدک سینته کبودی اوزرنده اک استادانه لوحه لره غبطه رسان بدیمه لر تشکیل ایدر .

آق دکزک بعضاً غضوب و خروشان ، بعضاً سکون ایچنده جنبان ، فقط هر حالنده بر بشقه لطافت نمایان اولان طالع لری اک زیاده بو اطمنه دامانته باش اوردیغندن ، سواحلنده دائمای نوای شعر طبیعت زمزمه ساز اولور .

کوش دقتله دیکلنسه بومدید و تمادی صدرلر ایچنده آفریقا ساحلرینک یانیق فریادلری ، آناطولی قیلمرینک حزین اینلر ، اوروپا کنارلرینک آوازه غیظ و احتراصی طوییلورکی اولور . مناقب آشنای ماضی اولان صماخ بصیرت ایسه اوچ بیک سنه دنبری اطمه تک جلوه گاه اولدیغی حادثاتی ، ینه بو طالع لره نوای بی قرارندن دیکلر .

طبیعتک آهنک احتشام و لطافتی ، بتون تفرعاتی ایله بوجزیره بهشتیده روتوندر . مثلاً کونش غروبه میل ایدرکن کریدک جنوب غریبسنندن کلان ویا اوجهته کیدن برسفینه ایچنده بولنان سیاح [غاودوس] اطمه سی آچیق لرنده ، مهر منیرک صوک شعاعات زرنی آفاقه برنک حزین ایله یایلدیغی صره ده مسارا کورفرزی اوزرندن طیشاری به



کریده ۱۳۱۲ عسائی

مسلمانلری قتل ایشدکن مکره کسندیلرینی تمقیب ایدن عثمانلی عساکرندن سلنه حوارنده کی خرستیانلرک طاغه فراری

طوغری امتداد یتیش مهیب و محتشم بر کولکه مشاهده ایدرکه امثالنه اسویچره کولر زنده دخی تصادف ایدیلر من دینلسه بجادر . بو کولکه ، ذروه سی دائما بلوطلر و سیسلر آره سنده سرائر آلود اعتلا و احتفا کبی طوران [ایدا] طاغنگ عکس اندام لطیفیدر .

اطه نك هر جهننده بشقه بدیملر کوسترن الواك اسرار و نکاتی ، الحان امواجك زمزمهٔ پرمائی ایشه هر کسدن زیاده عثمانیلر طویار . بر عثمانلی کرید ساحلر زنده کی لوحهٔ غروبده اجداد عظامنك قوس قزحله قارشمش اشکال شهامتنی کورور ، کریدک هر طاشنده ، هر آوچ طوپراغنده عثمانلی قانی ، عثمانلی کیمکی فرق ایدر . کریدده وزان اولان نسیم نوبهار بر عثمانلینك قولاغنه ، شهامتنك خطابهٔ جلادتلرینی فیصداره . کرید دینلجه هر عثمانلی قلبی اوچ عصرلق خاطرات تاریخیه نك یاد خونین والیمی ايله لرزه دار هیجان اولور .



اجداد عظامنر فندن اهمیت موقعیه و سیاسییه سی تقدیر اولنهرق ایکی بوز یتیش بو قدر سنه اول بیکلرجه جان ، میلونلرله سامان صرف وابدالی ايله ضمیمهٔ ممالک ایدلمش واوز مایدنبری محافظه سی اغورنده اختیار اولنان فداکارلقلر ، ضبطی ایچون ربع عصر دوام ایدن محارباتده کی فداکارلقلرک بر قاچ مثلنی یکمش اولان کرید جزیره سنک لسانزده مکمل بر تاریخیچه سی اولمامسی بیوجک بر نقصان ایدی . بو نقصانی تلافی ایتک ایچون بر قاچ ارقداش الاله ویره رک چالشمق لزومنی حس ایلدک . کرید مسئله سنک اک غلیانلی دورنده بولند یغمز دن وجوده کتیره جگمز اثرله وطنه ، ائته قائده بخش اوله بیلک ایچون التزام استعمالده لزوم کوردک . اک معتنا وکزیده آثارک بیله مکملیتی ادعا ایدیلر مزنکن بویله بر زمان جزئی ایچنده میدانه چیقارلمسنه مجبوری کوریلان بو اثرک وجوه ايله نقصان قاله بیلش اوله جغنی اعتراف ایتماک قابل دکدر . ذاتا اثره تألیفدن زیاده جمع و تلفیق محصولی دیمک دها طوغریدر . تبعات مخصوصه مزه علاوه بو ایدده کی آثار موجوده دن بعض کریدلی وطنداشلمزک اعطا ایلدکاری معلومات و وثائقدن استفاده ایدلمشدر . کرید تاریخی و قتيله آندریاقویاسی افندی یازمغه باشلامش واک مکمل اثری مشار الیهک وجوده کتیره جکی مستقبل و مجزوم بولمش ایدی . [۱] نه چاره که خیالوت غوائل او اثر اکملک نقصان قالمسنه بو کون بزده بر کرید تاریخ نفیسندن محروم بولمئ مزه

(۱) آندریاقویاسی افندیک کرید تاریخنه دائر تحریرینه همت ایلدیکی اثرک مقدماتی تشکیل ایدن اقسامی مجموعهٔ ابوالضیانک ۶۰-۸۰ نومرولی آره سنده کی نسخه لر زنده مندرجدر . فضله تفصیلات آلق ایستیانلر مجموعه نك نسخ مذکور سنه مراجعت ایلیمه بیلورلر .

سبب اولمشدر . مع مافیه . معلومات جغرافیه یه عائد موادده . اشار الیهک محرراتدن استفاده ایدلمش وحتی وقوع بولان طب ورجامز اوزرینه عرب استیلاسنه عائد بولنان قسم ایچون قویاسی افندی بلخاصه اعطای معلومات ايله تنوبر افکار مزه خدمت لطفنده بولمشدر . بناءً علیه شوراده کندیلرینه و معاونتلی سبق ایدن دیگر اخوان وطنه ایفای تشکری لازمهٔ ذمت حمت بیلیرز . تاریخیچه نك عثمانلی استیلاسنه و احوال اخیریه عائد اقسامی ایچون تبعات مخصوصه اجرا ایلدک وحتی قحک زمان جریاننده یازلمش آثار ی ده الیه ایتک . موفق اولهرق شیمدی یه قدر مجهول یک چوق و ثائق و معلومات جمع و درج ایتدک . بو صورتله برخیلی نواقصی اکال ایده بیلش اولمئ بز م ایچون بوسیله سرور و افتخار در . اثر مز ، بالاخره دها زیاده تمهقات اجراسی ايله بوندن اکملک وجوده کتیرلمسنه وسیله تشکیل ایدر . بز م ایچون ده فخر حقیقی وابدی اوزمان حاصل اولق امر طبعیدر . بوتاریخیچه یی علی العجله تلفیق و تمثیل ایلدکن مقصد مز ، کرید اوزرنده کی حقوق حاکمیت مزی وطنداشلمزک پیش انظارنده دها مادی ودها واضح بر صورتله ارائه ایلک ، رید ايله آره مزده ، اگر بیگانه لیکدن ذره قدر اثر وارسه ، بستون قالدیر مقدر . کرچه کرید بولنده آقان عثمانلی قانلرینی بیلیان عثمانلی یوقدر ، فقط اکثریت اهالی جه اطلاعاتک مهم اولسی احتمالدر که بز ی بوساله یی جمع و تحریر ره سائق اولمشدر . ایسته یورز که کرید نه در ، عثمانیلر نه یه مال اولمشدر ، ملک عثمانینک اقبال استقبالی ایچون نه قدر حاضر همدیدر ؟ بو نقطه لر ایچه بیلسون ، ماهیت حقیقیه سی ايله آکلاشلسون ده بو جزو مهم وطنک محافظه سنه ، بتون عثمانیلرجه ، اونستنده بر قوت قلب ايله ، اویله مهیکل و مستحکم بر عزم و یکجهتی ايله چالیشسون .

شیمدیکی عثمانیلر ده ، کرید قحی ایچون ربع عصر اوغراشان محترم اجدادمزک همت حوامر دانه سنه وارث بهادر لر در . بز حقمزک مشروعیت و علویته استناد ایدرک عزم و ثبات ايله اثبات مردانکی ایلدکنه مصرز :

« ثبات و عزمه حائل بردنی دنیای قالمشدر ؟ »

دیوان یولی ۱۳ جزیران ۲۲۶
هیشت تحریریه نامنه

ی . ن . ی





جزیره نك احوال جغرافیه سی

موقع جغرافی و مساحت سطحیه * جزائر صغیره * احوال ارضیه * طاغیر *
لیمانلر ، برونلر * مغاره لر و لایرنت * نهرلر و کوللر * میاه مدنییه * نباتات
و حیوانات * احوال و محصولات زراعیه * اورمان و معادن * تجارت و صناعت *
تقسیمات ملکیه * نفوس

موقع جغرافی — کرید بحر سفید اورتیه سنده آطهر دکزی مدخله
طوغری تمتد بر جزیره اولوب $۳۴,۵۲$ ایله $۳۵,۴۰$ عرض شمالی و
— پارس مبدأ اعتبار اولق اوزره — ۲۱ ایله ۲۴ طول شرقی آره سنده
کائندر . غربدن شرقه امتدادی اوج درجه ایکن شمالدن جنوبه اولان
مسافه سی بالکنز قرق سکز دقیقه اولسنه نظراً جزیره طولانی برشکلی
حازدر . وضعیتی ده عرض دائره سنه تماماً محازی اولیوب یدی درجه لک
بر انحراف کوسترر .

کرید ، قاشوط ، کرپه وردوس اطلری ایله آناطولی ساحلنه و غرباً
(سریغو) آطه سیله موریه شبه جزیره سنه طوغری بر صره تشکیل ایدهرک
آطهر دکزینی ، بحر سفیدک انکیلرندن تفریق و آناطولی طرفی ایله

کرید
(سقاریانتو) ، موریه جهتی ایله (سریغو) بوغازلرینی تشکیل ایلر ؛ حتی شمال
سواحلی ایله (سریغو) ، (میلو) ، (سانتورن) ، (ستاپالی) ،
(سقاریانتو) .. الخ آطهری آره سنده کی دکزه کرید و یا قدییه دکزی نام
خصوصیلری بیله ویریلور .




جزائر صغیره — کریدک مساحت سطحیه سنه ادخال ایدیلان کوچک
اطهرک اک معروفلری (تودورو) ، (غربانبوسه) ، (سوده) ، (دیا) ،
(غاودوس) اطلریدر .

(تودورو) اطمه سی ازمنه قدیمه ده (آکتیوس) ووندیکیلرک زماننده
(آیاطودوری) اسمیله معروف اوله زرق حاییه قصبه سنک شمال غربیسنه
درت میل و (بلاطانیا) سواحلنه یازیم میل مسافه ده کائندر . حاییه
لیمان و قلعه سنی محافظه مقصدی ایله وندیکیلر ، بری اطمه ک یوکسک قسمنده ،
دیگری حاییه ناظر اتکنده اولق اوزره ایکی قلعه بنا ایتشلر ایدی .
کریدک عثمانیلر طرفندن قحنه مبادرت اولندیغی وقت عساکر عثمانیه
طرفندن اول باول ضبط و تسخیر اولان بر بو اطمه ایدی . مورخ مشهور
نعیم تودورو اطمه سنی واوراده کی ایکی قلعه نی شوصورتله وصف و تعریف
ایدیور :

« کرید جزیره سنه قریب اوج میل دور بر جزیره صغیره کی ایکی طرفنده یالین قیا
اوزرنده بنا اولمش آره لر بر میل ایکی حصار متین کی آیاطودوری قلعه لر دیملکه
معروفدر ؛ حاییه ک نکمباندی شکلنده واقعدر . دیواریک عرضی التی ذراع و ارتفای
اون ایکی ذراع ، هربری خسروانه بالیز طویلر وجبه خانه و ذخایر ایله مالا مال ایدی .
اول ایکی قلعه کی بری بالاتر محافظ بیرون وبری زیر سرکه حارس دریای اندروندر ،
درت ساعتده قبضه تسخیر کلش ایدی . »

بویکی قلعه اوئانده تخریب ایدلمش سهده ، آتاری حالا مشاهده اولتمقدهدر .
اطه مسکوندر .



کریدک الک بوسکک طاغی « ایدا »
پسیلوریطی دنیلان ذروهسی دکزدن ۲۴۶۰ مترو بوسککدر . خرافات یونانییه نظراً ژوپیتر
بوطاغک یماجلزنده طوغمشدر .

(غرانبوسه) اطهسی کریدک جهت غربیهسنده کائن (کیسامو) قضااسنک
غرانبوسه دنیلان برونی قارشیسیندهدر . بواطه نیک بوسکک طرفنده
ینه ونیدیکیلر طرفندن بنا ایدلمش برمتین قلعه حالا موجود اولوب محافظهسنه
دائماً ذقت اولتمقدهدر . غرانبوسه اولجه مسکون ایکن اهالی سنین اخیرده
اورادن کیتمشدردر .

(سوده) اطهسی مشهور عالم اولان سوده لیماننک آغزنده اولوب اوراده
دخی ونیدیکیلر طرفندن یانلمش برقلعه واردر . بوکو چک اطه اوتهدنبری مسکون

ایکن صرف اسلام اولان اهالیسی صوک سنه لر ظرفنده سوده کورفرزینک
ایجری طرفلرنده (عزیزیه) نامی ایله تأسیس ایدیلان قصبهیه نقل اولتمشدر .
عنوان دیکری (طاوشان) اطهسی اولان (دیا) اطهسی قندیه شهرینه تخمیناً
یدی میل مسافده اولوب طولی اوج و عرضی ایکی میلدر . بواطه نیک جنوب
طرفنده درت لیمان واردر . قندیه قلعهسی فتح اولندیغی وقت قصبهده قلعه
مواققت ایتماش اولان ونیدیکیلرک ، قلعه نیک عسا کر عثمانیهیه تسلیمنی متعاقب
طاوشان اطهسنه کیتهلری وهوا مساعد اولنجه ونیدیکه متوجهاً اورادن
سر بسجه مفارقت ایتملری عثمانلی قوماندانی ایله ونیدیکیلر قوماندانی بیننده
عقد اولنان معاهده نامهیه درج اولنان شرائط جمله سنندن بولنمش و شرائط مقاوله
مرعی طوئلمشدر .



ازمنه قدیمده (قلاودیا) اسمیله معروف اولان (غاودوس) اطهسی ایسه
جزیره نیک جنوب غریبسنده کائن اسفا کیه قضااسنک قارشیسیندهدر . بواطه
الآن مسکون اولوب اهالیسی اوج یوز قدر نفوسدن عبارت واوراده بولنان
سکز کویده ساکندر .

کریدک اطرافنده کی دیگر اطهله کلهجه بونلر علی الاکثر قیالقدن
عبارتدر ، بعضیسی کوزل مرعالی حاوی بولندیغندن اورالره رعی ایچون
اغنام نقل اولتمقدهدر .



احوال ارضیه — کرید ، بحر سفیدک اطهلهر دکزی حوالیسینده ،
تحت الارض قوانک اراضی مجاوره پی آلت اوست ایلدیکی ساحه داخلنه
اولسیله ، انقلابات برکانیهدن طوغمش و بناء علیه منشأ اصلیسنک بتون

کرید
اوصافی الیومده حاز بولنمشدر . حالا شمیدی بیله حوالی شمالیهسنده
کثیرالوقوع اولان حرکات ارضیه ، اوتهدنبری جزیره نك سطحی اوزرنده
بك چوق اندفاعات و ارتفاعات حاصل ایلنشددر . انك ایچوندركه جزیره جابجا



کرید لایرتی

پلائی - مندلی

ایدا طاغی جوارنده بولنان بوسنی مغاره نك سبب
حفری و حقیقی لابیرنت اولدیغی معلوم دکادر

جبال وتلال ایله ، صرپ وچتین قیالرایله مالی کوریلور . طاغیر مختلف
ارتفاعلرایله جزیره نك براوچندن دیگر اوجنه قدر امتداد ایدر ، کریدك
حوالی شمالیهسنده طاتلی مانله لرودوز ساحه لرایله قابل اعمار واسکان بك چوق
یرلر عرض لطافت ایلدیکی حالده اقسام جنوبیه سنی دکزه منتهی ديك و صرپ
قیال اشغال ایتدیکندن انسانلرك بارینه بیلسنه یارایه جق یرلری نادر بولنور .



طاغیر - کریده بولنان طاغیر ، قدماى جغرافیوندن (استراوون)

طرفندن شویله وصف وتعریف اولنمشدر :

« جزیره طاغستان اولوب جهت ضربیهده واقع اولانلره آق طاغیر
تسمیه اولنمقدهدر . بولنرك ارتفاعی (طاییه طوس) طاغنك ارتفاعندن دون


کرید
اولیوب طوللری دنخی اوچ یوز استادیا [۱] راده سندهدر . طاغیرك اتکلری
اطه نك اونقظه سنده حاصل اولان شبه جزیره به طوغری اینکده در . کریدك
اورته سنده واك واسع محلنده (ایدا) طاغی کاشندز . ایدا کرید طاغیرینك اك
مرتفعی اولوب محیطی اتی یوز استادیا راده سندهدر . اتکلرنده کوزل قصبه لر
موجوددر . آق طاغیره ممائل دیگر طاغیر دنخی واردرکه بولنردن برطاقی
جنوب وبر طاقی دنخی شرق طرفنه طوغری تمتد اولور . »

صره ایله تعداد ایتمك ایسترایسهك جزیره اوزرنده بویدن بویه جالب
نظر اولان جبال وتلال ، اساساً درت قسمه تقسیم اولنه بیلور :

۱ - غرب جهتده کائن اولان صره بالقاندرکه اکثر مواسمه
اوزرندن قار اکسیك اولماق حسیلله بولنره (آق طاغیر) نامی ویرلنشددر .
بین الاهالی (ماذارهس) اسمی ایله یاد ایدیلان بوسلسله جبال سلسله ،
حانیه ، آپوقرون قضالینك اورته سنندن کچرک اسفا کیهده دکزه منتهی
اولور . تپه لرندن اك مشهوری (اومالوس) نامی ایله یاد ایدیلانی اولوب
۲۴۰۰ مترویه قدر ترفع ایتمکددر . اکثر محللری چوراقلق ایسهده آره
صره دره لر و ذروه لرنده و یار اتکلرنده مرعالر بولنور . برچوق یرلرنده
آردچ وچام اورمانلنی و آقار صولری حاوی بعض یا بلاقلری واردر .

۲ - ازمنه قدیمه دنبری مشهور و ارتفاعی جهتیه تا مورهدن مشهود
اولان مدورالشکل (ایدا) طاغیدرکه ذروه سی اهالی بیننده (پسی لوری طی)
اسمیه زبازددر . جزیره نك وسطنده کائن اولان بوسوک بالقاندرت سلسله

[۱] استادیون ، ازمنه قدیمهده مساحه ایچون استعمال اولنان براولچونك اسمیدر .
براستادیون ایکی یوز یمش یدی آرشونه تقابل ایتیکي تخمین اولنور .



غوزوس خرابه‌سندنه بر سرائك آثار باقیه‌سی

انگلیز آرکه‌اولوغلرندن شهوانسک نظارتی آلتنده ۱۸۹۴ سنه‌سندن برو اجرا ایدیلان حمیرات نتیجه‌سندنه شهرک بعضی اقسامی بالخاصه غایت بیوک بر سرای میدان چقارلمش و بو بناک ده‌سا قدیم بر سرای خرابه‌سی اوزرینه انشا ایدلمش اولدیغی تبیین ایتشدیر. سنین اعصار ایله تراکم ایدن طوپراق طبقه‌سی خرابه‌ی حسن محافظه ایتدیگی ایچون موجود انقاضک تدقیق سرائک پلان‌ی تنظیمه کسفايت ایتشدیر. دیرک باشلقاری پروازلر غایت مصنع نقوش و معیونات ایله مزیندر. عمارت‌لر، سیرق تماشالی، شیق و کبار کیمش قادینلر، اخلاق لوحه‌لر دیوارلرک هر طرفنده مشاهده اولنقدندیر. بناک ایچنده وجوانده برچوق مزین وازلر، فیل دیشندن معمول آثار قیتمدار، کویلر، تونجیدن آینه‌لر، قبضه‌سی مذهب قلیلر و ساثره‌الده ایدلمشدر. اومپروس دورندن مقدم اولان شوآر باقیه مدققلره کریدک مبادی تاریخ و مدنییتی حقنده بر فکر واضح و بر مکده‌در.

تشعب ایدهرک برنجیسی ساحل شمالیده آبا بلایه موقعنه. ایکنجیسی شرقاً ریزو قضا‌سندنه آلچان کوبنه، اوچنجیسی جنوب ساحلنده قلیما کوبینه و دردنچیسی دخی جهت غریبه‌ده آماری کوبینه قدر تمتد اولور. ایدا سطح بچردن ۲۴۶۰ مترویه قدر ترفع ایدر. ازمنه قدیمه‌ده (پیتنا) دنیلان ذروه‌سندنه بر بنا اثری موجود و خرس‌تینانلرجه اسکی بر مناس‌تر

اولوق اوزره مظنوندر. ایدانک ذروه‌سندن جزائر مجاوره بحر سفیدک جبالتی خیال‌میال سچمک قابل اولور. بو طاعنک اورمانلری و مرعاری پک چوقدر. ۳ — (لاشید) قضا‌سنی دأرآمدار احاطه ایلان (لاشید) طاغلری اولوب قوری و چوراق یرلری اورمانلق و مهور اقسامنه غالبدر. بوسلسله‌نک اک یوکسک تپه‌سی ۲۱۶۰ مترودن فصله دکلدیر.

۴ — سمت شرقیده واستیه حوالی‌سندنه کی طاغلردرکه اک معروفلری (په یوناس)، (قورپروکه‌فالا)، (اورنوس)، (موزی) ناملری ایله یاد ایدیلانلردر. بونلر (سیدرون) بروننه منتهی اولور.



برونلر، لیمانلر — کریدک منتهی شرقیسی تشکیل ایدن (سیدرون) برونندن جنوبه طوغری توجهله دأرآمدار ساحل دور و تعقیب ایدیلرجه اولورسه کذرکاهده باشلیجه (سالومون)، (لائقازا)، (متالون)، (قری‌بو)، (بوزا)، (سپاتا)، (مله‌خسا)، (رتمو)، (سوزو)، (آی‌یانی) برونلری کوریلور. و آطه‌نک اوچ بیوک قلعه‌سی اولان حانیه، رسمو وقتیده شهرلری اوکنده برر مصنوع اوفاق لیماندن بشقه درت بیوک طبیعی لیمانی واردر:

- ۱ — بوزا و سپاتا برونلری آرهنده و غرابوسه آطه‌سی قارشیسندنه کائن اولوب اکثر هوالردن مصون اولان واسع (کیسامو) لیمانیدر.
- ۲ — حانیه شهرندن، (مله‌خسا) بروننک تشکیل ایتدیگی شبه جزیره ایله آریلان (سوده) لیمانیدرکه هر روز کاردن مصونیت اعتباری ایله عادتاً مشهور جهان بر لیماندر.

کرید
 ۳ — (سرامبو) قزاسنک شرقنده وسیع و محفوظ (اسپرنقه) لیانیدر.
 ۴ — (اسپرنقه) لیانیدن . (سپینالونغا) قره دیلی ایله آیرلمش اولان
 (آی نیقولا) لیانیدر.



حانیه لیاننک غرب طرفی

۵ — استیه شهرینک مبنی بولندیغی (استیا) لیانیدر.

بونلردن بشقه جزیره نك بتون سواحلنده كوچك و محفوظ لیانلر پك
 چوقدر.



مغارلر ولاییرنت — کرید جزیره سندنه پك چوق طبیعی مغارلر
 واردر . بونلرک اک مهملری (کیسامو) قزاسنه تابع (سپیلیا) و (سلنه)
 قزاسنه مضاف (آزوپیره) کویلری جوارلنده و (آقرون) قزاسنه مضاف
 (رامنی) کوی قرینده وینه بوقضاده (قوکینو خوریو) و (آپلاقه) نام

کرید
 کویلر آره سندنه وینه آپقرون توابعندن (کفالا) و (رسمو) قزاسنه تابع
 (خاملوری) کویلری جوارلنده و (آی واسیل) قزاسندنه (اسپیلی)
 قریه سندنه واقع اولانلردر. برده (میلو پوظامو) قزاسندنه کائن (میلدونی)
 کوی جوارلنده و (مالویز) قزاسنه تابع (سارخو) کوینده، (غوومس)
 کوینده و (یوخنا) طاغنده و (ویانو) قزاسنه مضاف (کراتو قامبو) کوی
 قرینده و (استیدی) ده جسم مغارلر موجود اولدیغی کبی (لاشید)
 سنجاغنده (ایسیخرو) اسمیله معروف بر و (آقروطور) ده (غوورنتو)
 نامی ایله معروف اولان مناسرت جوارلنده اوچ مغاره معروفدر. حانیه یه یقین
 (خودورو) اطه سندنه دخی برایکی مغاره بولمقدهدر. ایدا طاغندهده
 (ایده یون آتزون) نامیله معروف بر مغاره واردر که اوراده پك چوق آثار
 عتیقه بولمشدر .

(آقروطور) ده کی مغاره لرایله (میلدونی) مغاره سندنه استیلاقتیلر .
 یعنی تحجر ایتمش صوصیزتیلری واردر.


بو مغاره لردن بشقه برده مسارا اووه سندنه (آمبلوزو) کوی جوارلنده
 لاییرنت اسمیله معروف پك بیوک بر مغاره واردر . خرافاتدن اولمق
 اوزره روایت اولنور که ازمنه قدیمده کرید حکمدارلردن مشهور
 (مینوسک) زوجسی (پاسیفای) بر بوغایه علاقه ایدوب آنکله
 واقع اولان اختلاطندن عجیب الخلقه بر حیوان تولد ایتمش و (مینو طاروس)
 اسمنی آلان بو حیوانک بلندن یوقاریسی انسان و اشاغیسی بوغاصورتده بولمیش
 ایدی . مینوس وقعه دن حدتله نرک بولم نامعروفک حبسی ایچون بر لاییرنت
 پایه سنی زماننک مشهور مهندسلرندن (دهدالوس) ه امر ایتمسی اوزرینه ،

کرده (دهدالوس) یوللری غایت قاریشیق و ایچیدن چیقلماز بر مغاره حفر ایش و مینو-
طاروس اوراده حبس و توقیف ایدلمشدر. مغاره نك ایچنده بر برینه متصل
غایت پروزلی یوللر بولوب بر کره کیرلرکن صکره چیقله سی حقیقه
کوچ بر ایشدر. ترتیب و تقسیمده کی اغوجا جلره باقهرق مغاره، یقین وقتلره
قدر کیفیت انشاسی ده (دالوسه) معطوف لایرنت ظن ایدلمش، بونک ایچون
مغاره یه لایرنت اسمی ویرلمشدی. فقط بر چوق مدققینک رأی و مطالعاتیجه
مغاره حقیقی لایرنت دکل، بر طاش او جانی ایش. لایرنته کانجه اول
امرده بویله بر شی حقیقه انشا اولمش میدر، یوقسه روایت، خرافه قیلندیمیدر؟
شوراسی هنوز تحقق ایتدیکی کی، کیفیت انشا تحقق ایتسه بیله،
محل منتخب مسارا دکل غنوسوس شهری جواری اولمق لازم کلدیکندن
و حال بوکه اورالرده هنوز بویله انشا آت آتاری کشف ایدلمدیکندن
اصل لایرنتک موقعی تعیین ایده مامشدر.

فرانسز مؤلفیندن پول قومب کریده دأر یازدیغی بر ارده بولایرنتک،
پک چوق امثالی کی، طبیعی بر مغاره ایکن صناعت بشریه ایله تعدیل و تکمیل
ایدلمش اولسی احتمالی سرد ایدیور.



نهر و کوللر - کریده ایرماق دنیه بیله جک درجه ده بیوک و دائمی صولر
یوقدر. سواخلدن پک چوق صولرک دکزه دوکلدیکی کوریلور سهده بونلر
یاغموردن وقار اریسندن متکون شیلر اولوب موسم صیفده یابستون کسیلور
ویاک آزا لور. بوصولرک ذکره شایان اولانلری بشدن فضله دکلدر.
(پلاطانیا) تسمیه اولنای (کیدونا) قضا سنده، (کیلیاریس) اسمنی طاشیانی



رسمی نك غرب طرفك جنوبدن شماله طرف ضری منظره سی

دیوارلار عامه کورینر بونک یوکسک تپه « فوروززا » دنیلان دکزه و نیکلر کورینر بونک بنا اولمشدر.

کرید
 (آقرون) قضا سنده . (پوفروس) چایی قندیه قریبده و کذلاک (پلاطانیا)
 عنوانلی ایکنجی بر ایرماق رسموده . (پروپو تاموس) صوی مساراده در .
 آقرون قضا سنده یالکز بر کول موجود اولوب (قونا) اسمی ایله معروفدر .



میاه معدنیه - کریده معدن صولری مبدول دکدر . اجرا قلنان
 تحریات فیه نتیجه سنده واسطیه قضا الرینک برایکی طرفنده اهمیتسز
 بر معدن صوی واردر . برده (پدیبه) قضا سنده کائن (قاقون اورو)
 تسمیه اوانان طاغک شرقه طوغری اولان اتکلرنده و دکره یقین
 بر یرده دخی بر صو منبعی واردر که بئوک بر خاصه اسپالیه بی حائر اولوب
 جوار قری اهلایی طرفندن مسهل مقامنده استعمال ایدلمکده در .
 برده آماری قضا سنده طاش صوی نامیله بر صو واردر که بونک
 قوم علتته فوق العاده فائده سی اولدینی بالجر به تحقق ایتشددر . شوقدر که
 شیشه لره ویا سار قابله وضع اولتوبده بشقه یره نقل اولنورسه صویک
 خاصه سی زائل اولدینی روایت ایدلایکنندن . شربندن استفاده ایچون منبعه
 قدر کیتک لازمدر .

رسمو قضا سنده کائن (خرو مناستری) نام کوی جوارنده پک غریب
 دیگر بر معدن صوی موجود اولوب منبعنده پک چوق چامور حاصل
 اولمقده در . کوی اهلایی البسه باقم اوزره مایعه ایتدکری بیاض قاشلری
 بوچاموره صوقه رق یکر می درت ساعت ایچنده بر اققده در لر . چامور بومدت
 ظرفنده قاشی قویومانی به تلون ایدر . رنگ او قدر ثابتدر که یاپیلان البسه
 اسکوب آتیلجه به قدر صولماز ، اثر تغیر کوسترمز .

کرید
 مسارا اووه سنده دخی بر کورکد صوی منبعی معلومدر . صویک طمعی کورکد
 رایجه سنی حس ایتدیرر . بونی ایچنلرک بر مدت صکره پک زیاده سمن پیدا
 ایتدکری بالجر به ثابت اولمشدر .



نباتات و حیوانات - کرید جزیره سنک نباتاتی قدما حکما
 طرفندن تدقیق ایدلایکی کبی اعصار اخیرده وبالخاصه اون یدنجی واون
 سکزنجی عصر ظرفنده اوروپا علماسی طرفندن دخی تدقیق و تصنیف
 ایدلمشدر . الک صوک تدقیقاتی اجرا ایلان ذات ، علمای نباتیوندن و پارس
 تاریخ طبیعی موزه سی ارکانندن موسیو (رولن) در . عالم مومی الیهک
 افاداندن اکلشلدینی اوزره قدما مؤلفین یالکز اوتوز آلتی نوع کرید
 نباتاندن بحث ایتدکری حالدده اون یدنجی عصرده اجرا قلنان تحقیقات فیهده
 کریده درت یوز طقسان نوع نباتات میدانه چیقارلمش واون سکزنجی ایله
 اون طقوزنجی عصرده کرید نباتاتک انواعی بیک درت یوز اون یدی به بالغ
 اولمشدر .

بویک درت یوز اون یدی نوع نباتاتک ۸۷۶ سی یوز الی مترو قدر
 مرتفع اولان یرلرده و ۵۲۵ ی یوز الی مترودن آلتی یوز مترویه قدر اولان
 محلارده . ۱۷۹ ی آلتی یوز مترودن بیک مترویه قدر اولان واقعده .
 ۱۳۸ ی بیک مترودن بیک بش یوز مترویه قدر اولان حوالیده ، و متباقی
 ۱۲۶ سی دخی بیک بش یوز مترودن ایکی بیک مترویه قدر اولان ارتفاعانده
 بولنور .

بوتانات میاننده (دیقاموس) تعبیر اولنان نوعی یوکسک یرلرده و باخصوص ایذا طاغنده نابت اوله رق ، خاصه مخصوصه سی طولایسیله کلیتلی مقدارده جمع اولوب قوریدلمقده وچای مقامنده استمال اولدینی جهتله مقدار کلیسی کریددن اخراج ایله اورویایه سوق ایلمکده در . ابوالطب ایوقراطک قونجه ، حامل اولوبده مشکلات ایله وضع حمل ایدن قادینلرک بر مقدار دیقاموس صوبه آترق اوصوی ایچمه لری وضع حملی تسهیل ایدرمش .

کریده خرمانک انواعی یتیشور واقسام زراعتده داخل بولنان زیتون اشجاری ایسه کثرتلی وپک برکتلیدر .

کرید سواحلی سونکر ومرجان یتشمه سنه پک مساعد اولوب بالقده پک چوق مقدارده صید اولنور .

قورو اقلیملرک کافه سنده اولدینی کبی کریده دخی بعض انواعی زهرلی اولوق اوزره بیلان بولنور سده جته لری جسم دکلدر .

اطه نک منخط حوالیسنده طاوشان موجوددر . بیلدیر جین ، قرمز ککلیک . و متعدد آوقوشلری ده مبدولدر . حیوانات اهلیه اوله رق کریده اوکوز ، ماندا ، قویون یتشدیر یلورکه مرعالرینک فوق العاده مساعد اولسی حسبیلله اتلری غایت نفیسندر ، بونلرک اخراجانندن کلیتلی استفاده تأمین اولنور . کرید کچیلری ، دنیانک بتون کچیلرندن مکملدر . آتروکوجک بویده اولور سده آتشین ، متین و سریع السیردر لر . اوزرینه ینلیدیکی ویاخود آغر یوک یوکلدیدیکی حالده صرپ یرلری کمال سرعتله چیقارلر . اطه نک قاطرلری مشهور ، طوموزی کثیردر . ازمنه عتیقه ده دخی حاز شهرت .

کرید

کلابی ، بوکونه قدر تبدیل جنس ایتامشه بکزر . شکلا قوردی آکدیران کرید تازیلری حساس ، چویک ، جسوردر لر . طاوق ، کوکرجین کبی طیور اهلیه پک چوقدر . آریلر ، کریده ککلیک قوقولی غایت مشهور بر بال ویرلر . ککلیک اوقی بتون جزیره اوزرنده کثرتله تبت ایدر . نباتات و حیواناتنک و اقلیمنک اشکال و اوصافی اعتباری ایله کرید اورویادن زیاده اسیای صغرایه مشاهددر .



احوال و محصولات زراعیه

کریدک زرع صالح پک چوق یرلری بولمق حسبیلله اهالی جزیره من القدیم زراعتله اشتغال ایتشلردر . اقلیمک اعتدالی ، اراضیسنک قوه انباتیه سی وهر طرفه صولرک فیض و برکتی




کرید

کرید
 اطهده زراعتك ترقيسنه مدار اولهرق ، باخصوص ازمنه قديمهده
 زراعت كريدك هر طرفدن زياده واسع مسارا اووه سننده فوق العاده ترقى ايتمش
 ايدى . بو اووا جزيره نك جهت جنوبيه سننده كاندير ، طولى قرق التى كيلو
 مترو راده سننده وعرضى آلتى ايله يدى كيلو مترو آره سننده در . جهت
 شرقيه سنندن (آناپورادى) نهري و طولاً اورته سنندن (يروپو تاموس) نهري
 آقدينى كبي اوته سننده بروسنندهده متعدد سيللر جاري در . مسارا اووه سننده كى
 آراضى تماميله اكسه كرده خار جندن بغداى ادخالنه اصلاحات قائليه جنفى حتى
 برخيلى مقدارى خارجه چيقاريله جنفى محققدر . نته كيم ازمنه قديمهده جزيره
 اختلافاتندن آزاده قالدقجه زومايه قدر بغداى اخراج ايدليكي واقع اولمشدر . فقط
 فكر اختلال وعصيان ، اهالى جزيره يي سرسرى وسر كردان ايلديكنندن بالخاصه
 سنين اخيرهده اراضى يي ايشليه جك قوللر آزالدينى كبي ، اهاليله زراعتى
 ترقى ايتديره جك همت وغيرتده مشهود اوله مامقده در .

كريدك شمديكى حالده ذخيرهيه متعلق محصولاتى بغداى ، چاودار ،
 آرپه ، يولاف ومصدرن عبارت اولدينى حالده ، كثرت واهميتجه جزيره
 حاصلاتنك بشنجي درجه سننده در . اك برنجي حاصلاتى زيتون اولوب ، اكثر
 طرفلرى زيتون آفاجلرى ايله مستورددر . هر نه قدر بو اشجار فيضلى محصولى
 هر ايكي سنهده بر ويورسده ينه هر سنه اولدقجه كليتلى زيتون ياغى چيقاريلور ،
 هم محلنده تنويرات وما كولا نده قوللايلور ، هم يك چوق مقدارى اخراج
 وصابون اعمالنده دخى استعمال اولنور . زيتونلكلر بعض يرلرده بر قاچ كيلومتره
 سورر اورمانلر تشكيل ايدر ، ابي محصول وي ردكلى سنه جزيره ده ۵۵
 مليون كيلويه قدر زيتون ياغى چيقاريلور . پورتقال ، ليمون ، ماندالينه ،

کرید
 اوزوم ، خرنوب و پلاموط زيتون صكره اك كليتلى محصولاتنددر . اوزومدن
 خبلى مقدار شراب يابلدقن صكره قورو اوزوم دخى اخراج اولنور . حال
 حاضرده بغداى محصولاتى سنوى يدى سكرز مليون كيلو راده سننده اولوب
 اك چوغى مسارا اووه سننده حاصل اولور . يولافده بو مقدارده در . آرپه



استيه

كريدك حوالى شرقيه سننده تاسيس ايداش اولان بوكرزل قصيه ، ۱۳۱۲ ده خرستيانلر طرفندن
 بركونده سكرزوى متجاوز مسلمانك قتلى اوزرينه تاريخده يك خونين برخاخره ايله ياد ايديله جكددر .


ايسه يوكسك يرلرده وطاغلك اوستنده حاصل اولديغندن ، دهاز ياده اولوب ،
 اكثر اهالى آرپه اكسكى ير . بو بر . فصوليه ، نخود وبقله يالسكرز شهرلر ك
 جوار لرنده زرع اولور .

اطهده سبزه يك چوقدر ، بر مقدار پاموق ، كتن ايله توتون دخى پيشدير .
 يلورسدهده جنسلرى يك عادى اولور . يالسكرز سمونك توتونى محلنجه مقبولدر .



اورمان ومعادن — كريدك اورمانلرى يك آزا اولوب مع هذا محلنه كوره
 مختلف اشجارى حاوى قورى لرى واردر . باشليجه اشجارى : ييبانى زيتون ،
 پلاموط ميشهسى ، خرنوب ، چنار ، كستانه ، برنار ، سروى وساره در .

کرید
اسفاکیه طاغیرنده فستیق آغاچلری دخی بولنور . الیم اسفاکیه قضاکنده کائن ساماریا اورمانندن کراسته کسلمکه اولور آنجق مقداری احتیاجات محلیه غیر کافی اولدیغندن کلیملی مقدارده کراسته خارجدن و باخصوص ریسته دن ادخال ایلمکه در . معادن کلسجه بو کون جزیره معادن اخراجاتی بوق کیبدر . کرچه ارمنه قدیمده کریده آلتون و کوش معدنلری ایشلدیرلمکه



قندیه نك، غربدن شرقه طوغری منظره سی

بولنمش اولدیغی مروی ایسه ده بو معدنلرک چیزه نك هانکی طرفنده بولدیغنی کوستره هج براماره یوقدر . سلنه واستیه ده و دیگر بعض قضا زده کور و دمیر معدنی موجود ایسه ده ایشلدیرلمکه در . کیسامو و گیدونیا قضا زنده و دیگر بعض پرلرده آچی ولوله جی چاموری موجود اولوب لاشید سنجاغنده دخی بیله کی طاشلری واردر . بو طاشلر پک چوق چیقاریلوب ایالیاه و مارسلایه و باخصوص انکلیتریه نقل اولنمده در . بیله کی طاشلری ده اول اسفاکیه ده کائن ساماریه جهتدن دخی چیقارلمده بولنمش ایکن الان اورادن اوله طاشلر چیقارلمیور .

کرید
تجارت و صنایع — کریدک معاملات تجاریه سی اهمیتدن عاری اولمسیله زیتون یاغنی ایله صابونلر اخراجانده برنجی موقعی احراز ایتمکه در . جزیره دن اخراج اولنان دیگر محصولات ایسه پورتقال ، پلاموط ، پینیر ، اپیک ، بال ، بال مومی ، شراب ، لیمون ، بادم ، الما ، خرنوب ایله جزئیات قیلندن اولان دیگر بعض نوع محصولاتدر .

کرید پورتقاللری نفاسجه یافه نک کیلره یا قلاشه ماقله برابر چوق صولی در ولدت و شکلی ایالیای پورتقاللری آ کدیرر .

کریده ادخال اولنان اشیای تجاریه و سارمنک باشلیجه لری ایسه بغدادی ، اون ، آریه ، برنج ، طوزلی بالق ، ساده یاغ ، شکر ، قهوه ، توتون ، انفی ، اسپرتو ، روم ، کراسته ، قورشون ، کاغذ ، انواع اقمشه ، مهمولات معدنیه و ساردر . صنایع و اعمالا تچه برنجی موقعی زیتون یاغنی و صابون تشکیل ایدر . قویونلرک یوکی محلنده استعمال اولنوب ، کویلیلرک قولاندق لری شیاق و عبا کبی قبا شیلردن معادا کوزل احراملر دخی نسج اولنور . پاموقدن خاوی و پشمال طاقلری و ایپکدن بعض اینجه بزلر دخی یاییلور . برقاچ دباغخانه ده موجود اولوب سختیان اعمال اولنور . حانیه ده ایکی دمیر دوکوخانه سی و برقاچ بخار دکرمی واردر . قویون و کچی سودندن بالخاصه اسفاکیه حوالیسندن پک لذید و مقبول برنوع پینیر یاییلور که کرید پینری دیملکه معروف اولوب ، سنوی ایکی میلیون قیه دن زیاده پینیر چیقار .


ادخالات و اخراجات مقداری متفاوت اولوب زیتون یاغنی و صابون اعمالات و اخراجانه تابع کبی برشیدر . معلوم اولدیغنی اوزره زیتون اشجاری برسنه اعلا و برسنه ادنی درجه ده محصول ویرر ، بعضاً متوسط درجه ده

مخصول ویردیگی ده واقعدر . بوبابده فکر سالم حاصل اوله بیلک اوزره برلیماندن ایکی سنهده وقوع بولان اخراجات وادخالاتک مقدارینی ذکر ایدم:
 ۱۸۸۹ سنه میلادیه سنده قندیه لیماندن وقوع بولان ادخالاتک مقداری ۲۶,۴۲۵,۰۰۰ غروشدن وینه عین سنه نظر قنده بولماندن وقوع بولان اخراجاتک مقداری ۲۵,۴۴۷,۵۰۰ غروشدن عبارت بولشمش اولدینی حالد سنه آتیده یعنی ۱۸۹۰ سنه سنده ۴۰,۵۸۰,۰۰۰ غروش قیمتده خراجات و ۳۵,۰۵۵,۰۰۰ غروش قیمتده ادخالات وقوع بولشدر .

بو تاریخدن اعتباراً آطده آسایش سنهدن سنه یه مختل اولمغه باشلادیغندن تجارت علی التدریج تدنی به باشلامش و عارضه تدنی ۱۸۹۸ سنه سنه قدر تمادی ایلمشدر . عصیان و اختلال مندفع اولدقدن صکره تجارت ینه جانلامغه یوز طومش ، متمادیاً تراید ایدهرک صوک سنه لرده پک زیاده کسب اهمیت ایتمشدر . آطه نك رقبات تجاریه سی حقنده بر فکر ویره بیلک ایچون ۱۹۰۱ دن اعتباراً اخراجات و ادخالات استاتیسیتی جدولنی آشاغی به

درج ایدیورز .

سنه	اخراجات غروش	ادخالات غروش
۱۹۰۱	۳۶ ۴۲۷ ۴۰۰	۷۲ ۲۴۱ ۷۳۵
۱۹۰۲	۳۳ ۳۵۹ ۷۵۰	۶۲ ۴۵۶ ۲۷۰
۱۹۰۳	۵۴ ۸۹۵ ۸۴۰	۷۲ ۵۲۱ ۷۶۰
۱۹۰۴	۵۲ ۴۵۶ ۵۲۵	۶۸ ۷۰۸ ۲۶۵
۱۹۰۵	۵۶ ۱۲۲ ۲۴۵	۷۵ ۹۱۵ ۳۷۵
۱۹۰۶	۸۶ ۸۵۵ ۰۴۵	۹۶ ۳۵۰ ۲۶۵
۱۹۰۷	۵۹ ۸۳۴ ۹۶۰	۹۳ ۷۵۷ ۶۰۰
۱۹۰۸	۹۱ ۸۶۵ ۹۹۵	۱۰۵ ۳۵۷ ۲۲۵



قندیه نك لیمانی

شهرک یوکسک برقسمندن آلتان بورسم لیمانی قوش باقشی کوسترمکده دره . مدخلده بولسان قلعه یی عربلر تأسیس ایتمشدر و ندیکیلر ده تعمیر و تعدیل ایلمشدر . برعصی سورن عرب استیلاسنه علامت اولمق اوزره بوگون کریده بوندن بشقه برائر کورله مکده دره . ذاتاً « الحندق » دن محرف اولان قندیه نك عربلر طرفندن تأسیس ایلدینی حقایق تاریخیه دندر . لیمان پک طار ، عادتاً حوض کی رشیدره . واپورلر آچیقده دمیر آتارلر .

کریدک اخراجاتی هپ محصولات زراعیه و مواد ابتداییه تشکیل ایتمکده دره . بونلری ، مقدار اخر اجاتک اهمیتی اعتباریله ترتیب ایدهرک شوراده تعداد ایدیورز : زیتون یاغی ، صابون ، شراب ، خرنوب ، دری ، پورتقال ، لیمون ، پلاموط ، قوری اوزوم ، بادم ، پینیر ، خام اپیک ، احرام ، لادن ، چام قبوغی ، بیلکی طاشی ، ککک و پچاوره ، اییک قوزه سی ، میان کوکی ، کرید اوقی و سائر



تقسیمات ملکیه — کرید اولجه اوچ سنجاغه و بونلر ده بکر می قضایه منقسم ایکن ۱۸۶۸ سنه میلادیه سنه مصادف ۱۲۸۳ سنه هجریه سنده وضع و اعلان اولتان کرید نظامنامه مخصوصی موجبجه حانیه ، اسفاکیه ، رتمو ، قندیه و لاشید ناملری ایله بش سنجاغه تقسیم اولمشدر . قضالرک تقسیماتی

نظامنامه مذکور ایله ده ابقا اولنهرق يالکيز بيوك قضا الرک بر قائم مقاملق اعتبار ايدلسی و کوچك قضا الردن ايکيشر قضا بر لشدير يله رک بر قائم مقاملغه قلب و افراغی کبی بعض تعديلات اجرا قلنمشدر . ۱۸۷۹ سنه سنده اطه نك نواحی به تقسیمی و نواحینك صورت اداره سی و تفرعاتی حقنده بر نظامنامه تصویب اولنوب بو نظامنامه احکامجه حانیه ، رسمو و قندیه شهر لری دخی بر ناحیه اعتبار اولنهرق بهر قضا نك ده جسامت و وسعتنه و مقدار نفوسنه کوره ایکی ناحیه دن آلتی ناحیه به قدر تقسیمی لازم کلديکندن بو صورتله عموم جزیره ده سکسان بش ناحیه وجوده کلشدر .


حانیه سنجاغی : جزیره نك مرکز اداره سی اولان و آریجه بر ناحیه اعتبار اولن حانیه شهر ی ایله (کیدونیا ، کیسامو و سلنه) قضا الرندن متشکلدر .

اسفاکیه سنجاغی : بوسنجاغك مرکزی (واموس) قصبه سی اولوب (آپرون ، اسفاکیه و آی واسیل) قضا لرینی حاویدر .

رسمو سنجاغی : بوسنجاغك مرکزی ، آریجه بر ناحیه اعتبار اولن رسمو شهر یدر ، رسمو ، آماری و میلو بو طامو) قضا لرینه منقسمدر .

قندیه سنجاغی : کرید الویه سنك الك کنیشی اولان بوسنجاغك مرکزی آریجه بر ناحیه اعتبار اولن قندیه شهر ی اولوب قضا لر ی دخی ساحل شمالیه اورویانه قارش ی (مالوویز ، تنوس ، پدیا) ، ساحل جنوبیه آفریقایه قارش ی (پیریونجه ، کنوریو و منوفاج مع ریزو) قضا لر یدر .

لاشید سنجاغی : جزیره نك شرق طرفنی اشغال ایدن بوسنجاغك مرکزی (یکی شهر) معناسنه اولان (نه آپولیس) قصبه سیدر . و



سودا لیمانی


يالکيز کریدک دکل بتوک بحر سفیدک الك کوزل الك محفوظ ایمانیدر . اورویا ، آسیا ، آفریقایه توسع ایدن جمالك عثمانیه نك ، بحر سفیدک اورته سنده کاش بولنقی سببيله فوق انعامه اهمیت حائر بویله کوزل بر موقعی الدن قاچر مسی ترقیات بحر به سنك استقبالی ایچون ناقابل تلافی ضایعات نیدر . سلطان عبدالعزیز لیمانك اهمیتنی پک ایی تقدیر ایلدیکی ایچون اورایه بر ترسانه و بر قشله انشا ایتدیرمك ایسته مش و کریدلی قوبو حسین باشانك نظارتی آلتنده باشلایان انشآت سلطان حمیدک اوائل دورنده اکال اولنمشدر . سودا ترسانه سنده بر واپور انشا ایلشدر . قشله واکا مربوط جامع « الیوم سلاح ده پوسی » رسمده کورلمکده در . لیمانده کی سقائن دول حامیه زره لیلر یدر .

(لاشید ، مرامیلا ، ویانوس ، یراپتره و اسدیه) قضا لرینی حاویدر .

بولش سنجاغده ۱۱۰۸ کوی واردر .



نفوس — کریدک مقدار نفوسی ازمنه متقدمه ده بر ملیوندن زیاده بولندیغی بر چوق مؤلفین طرفندن بیان ایدلمکده ایسه ده بو معلوماتک مأخذی هیچ بری طرفندن کوسترلمه مشدر . مع مافیله جزیره نك ازمنه قدیمه ده یک معمور اولدیغی الیوم موجود اولان خرابه لری بقایا سندن مستدل بولندیغندن وقیله اطه نك شیمدیکندن زیاده غلبه لق اولدیغنه حکم ایديله بیلور . جزیره داخلنده قدیماً پک شدتلی حرکات ارضیه وقوع بولمقلا برابر



کریڈک احوال قدیمہ سی

ادوار قبل تاریخہ دن عرب استیلاسنہ قدر

وضع جغرافی و نفوس قدیمہ * احوال اجتماعیہ قدیمہ * خرافات * کریدہ
شہر و حکومتلر * مینوس و کریڈک بحر سفیدہ تحکمی * کریڈک معموریت قدیمہ سی *
خرابہ لر * مورمیلرک کریڈی استیلاسی * اختلالات داخلہ * رومالیرک استیلاسی *

کریڈک اورویا ، آسیا و آفریقا آرسندہ اخذ موقع ایلیہرک بحر سفیدک
حوالی شرقیہ سی مواردات و مناقلاتنہ حاکم بولنمسی ، من القدیم احوال
ادارہ سی اوزرنده حائر تاثیر اولمقدن خالی قالمشدر . جزیرہ نک بووضعی ،
بوموقعیدرکہ آریسطویی ، تدیر مدینہ عنوانی کتابنک ایکنجی مقالہ سندنہ
شو صورتلہ توصیفانده بولنمفہ سوق ایتشدر :


« کریڈاطہ سی ، کویا اینوزلرک اکثریا ساحلده اولق اوزرہ منتشر بولندقلری
بتون ممالکی زیرتغلب و حکومتہ آلمق ایچون بوموقع مستثنایہ قونمشدر . برطرفدن
سریغومورہ یہ ، دیگر طرفدن قاشوط ، کرپہ وزدوس اطہلری ایله آسیایہ رابطہ دارد . »
آطہنک شو وضع جغرافیسی ، ازمنہ قدیمہ امر اسکاننہ اجرای تاثیر
ایلمشدر . اطہلر دکزنده هوای نسیمینک صافیت فوق العادہ سی حسیلہ

کریڈک
اغتشاشات داخلیدہ ہیچا کسیک اولمدیغندن بالخاصہ خرسیتیان کریڈیلیر ایچون
طبیعت ثانیہ حکمی آلمش اولان اختلالاتک تولید ایلیدیکی فجایع ، کریڈک
نفوسی اوزرنده برعامل تدنی اولوب قالمشدر . دها اون اوچ سنہ اول
وطنداشلیری اولان اسلامدرک قتل عامنہ تشبث صورتیلہ اجرا قلنان
خونخوارلق دخی برجوق نفوسک ضیاعی ، برجونکده جان قورقوسیلہ
صاووشوب کیتنہ سی موجب اولمشدر .


اک صوک تحریرہ نظراً جزیرہ نک مقدار نفوسی جدول آتیدہ

کوسترلیدیکی مقدارده در:

سبحاقلرک اسملری	مقدار نفوس
قدیمہ سنجایی	۸۷۹۶۵
حانیہ	۶۱۴۷۳
لاشید	۵۲۲۷۶
زیمو	۲۶۵۹۱
اسفاکیہ	۳۰۸۸۷
یکون	۲۷۹۱۹۲



کرید
قره لری اوزاق مسافه لردن کورمک قابلدز . مورهنک جنوبنده کائن سر یغو
اطه سندن کریده کی ایدا طانخی ایله آق طاغرنک قارلی تپه لری کوریلور .
کریدک تلال مرتفعه سندن جزائر مجاوره ایله سانتورن اطه سی یئاز طاغرنک
دومانلری مشاهده ایدلیکی کبی ایدا تپه سندن ردوسک (آتایر) طاغری
شواقتی وحقی اناطولی جبالی فرق و تمیز اولنور .



اسفاکیه


اطه نك سواحل جنوبیه سی باشدن باشه اشغال ایدن قیالقر آره سنده صیقیشوب قالان کوبلردن
بری اولوب عربلر طرفندن تأسیس ایدلیکی ظن اولمقده در .

ایشته بو حال و موقعک الجاسیله درکه سیر سفاسنک مبادی سندن اعتباراً
کریده ، بحر سفیدک حوالی شرقیه سنده کی ممالک قریبه نك هپسندن
مهاجرین کلشدر .

کریدک ایلك نفوسنه دائر الك اسکی و ثائقى ترك ایلیان شاعر یونانی
اومیروس ، جزیره حقنده شویله دییور :

کرید
« کرید اطه سی کنیش بردکز اورته سنده کائن اولوب مختلف اسانلر ایله متکلم بی عدو
حساب انسانلرله مسکوندر . اهالی باشلیجه (آکه آیلر) دن ، (اته توره تله) دن ،
(سیدونیا ییلر) دن ، وچ قبیله یه منقسم (دوریا ییلر) دن و بلند فطرت (پلازلر) دن
مرکبدر . »

تخمینات اخیراً فییه کوره (اومیروس) بوسوزلری قبل المیلاد ۹۰۷
تاریخلرنده یازیور ایدی . و موضوع بحث اولان احوال ایسه شهسز برچوق
عصر لر نبری تأسیس ایتمش و دوام ایلکده بولمیش ایدی .



قدیه بورجلری

قدیه نك ، عثمانلی صولت دلبران سنه یکری بوش سنه مقاومتی تأمین ایدن بوخوف بورجلر ،
اجدادیمز طرفدن کوستربلان فداکارلنک ذی حیات تمثالی کبی الان باقی طور مقده درلر .
بورجلرک تپه سنده کی باراقلر انکلیز عساکر اشغالیه سی ایچون انشا ایدلمش ایدی .

صوک سنه لرده کشف اولنان و ثائق مصریه یه کوره قبل المیلاد ۱۸۱۴ سنه لرنده
فنیکه لیلر ایله مصر لیلر کریده کیدوب کلپورلر ، بلکده اطیه حاکم
بولنیور لردی .

کرید تاریخنک مبادیسی ، اوزمانک بترن تاریخی کبی ظلام بجهولیت
ایچنده مستور و خرافات قدیه ایله مختلطدر . هر حاله آثار عتیقه و قدیه نك

تدقیقاتند چبقاریله بیلان حکمه نظرآ (فیریچی) دن ، (داقیلی) عنوانی ایله معنون طائفه ، جزیره به کانه به قدر کریده کی (اته بوقره تله) ایله (پلاژ) لر حال وحشتده بولنیورلردی . داقیلی لر جزیره به کلدکلرنده (قوری تهس) عنوانی آلدیلر . وقانونلر تنظیمی ، فیریچی معتقداتنک نشر و تعمیمی صورتیله کریده کی اهالی و وحشیه بی تنویر و تمدین ایلدیلر . خرافات قدیمه یونانیه دن ژوپیترک کریده تولدی حادثه سی ، ایشه بوداقیلی لرك اورایه کلوب نشر مدنیت ایله لری واقعه سنندن مقتبسدر .

داقیلی لرك جزیره به ورودندن صکره آتی ارکک ، بش قادیندن عبارت (تی تانهس) قبیله سی توره مش ایدی . کر بدیلیر . ارض ایله سمانک اولادلری عد اولنان بو طائفه افرادندن (قرونوس) ک الوهیتنه قائل ایلدیلر . بو ذات همشیره سی (رهنا) بی تزوج ایله آندن (پلوپون) ، (پوسی دون) و (ژوپیتر) نامنده اوچ ارکک و (ایرا) ، (آشی آ) و (زی میطرا) اسمنده اوچ قز اولادی دنیا به کلدی . لیکن چو جقلرک ، بابالرینی طرد ایله سلطنتی ضبط ایله جکلرینی کاهنلر خیر ویردکلرندن ، تولد ایتدکجه بابالری بونلری طوتوب یوتاردی . بو حالدن والده لری مکدر و متأسف ایدی . اک صوک اولادی ژوپیترک ولادتنده ، چو جفک یرینه قوجه سنه بر طاش یوتدوردی و چو جینی ده کیزلیجه ایدا طاغنک مغاره سنده کوزل قزلرک تقید و اعتناسی آلتنده و آمانیا نامنده بر کچینک سودی ایله بیوتدردی . چو جق بالغ سن شباب اولنجه باباسنه ، یوتدینی قرداشلرینی قو صدوروب کندیسنی اطه دن طرد ایدی ، و دنیا و آخرت سلطنتلرینی ابکی برادری ایله تقسیم ایدهرک کندیسنی ارض و سمانک حکمدار لغنی ، برادری (پوسی دون) میاه و ابچارک حاکمیتنی ، دیگر قرداشی (پلوپون) دخی آخرت ملکینی آلدی . . .

کرید
ایشته کریدک مبادیسی بونوع خرافات ایله مالی اولوب تاریخاً معلومات صحیحه آله بیله جک دورلرنده ایسه اطه اوزرنده عادتاً شهرلر عدنجه برچوق کوچک حکومتلر تأسس ایلدیکی کوریلور .

احوال جغرافیه قسمنده کورلمش اولدینی اوزره اطه نک سطحی باشدن باشه طاغلق اولوب پک چوق حوالیسی مرور و عبوری قولای اولمیان جبال و تلال ایله یکدیگرندن آیرلمشدر . ایشه بو احوال طبیعیه ، جزیره اهالیسنک بر حکومت واحده تشکیل ایده جک یرده . طرف طرف و کندی باشلرینه حکومت صغیره حالنده یشامه لرینه سبب اولمشدر . اطه ده مسکون مختلف اهالینک دیللیری مختلف اولسی ده بو افتراق واستقلالک جمله عواملندن بولنمشدر . مثلاً اسفا کیا حوالیسی جزیره نک اقسام ساره سنندن آق طاغلرک مهیکل قیالری ایله تفریق ایلمش و اهالیسی ده بالضروره اورالده صیقیشوب قالمشدر . حالا بوکون بیله دیلجه فرق اولماقله برابر حوالی مختلفه اهالیسنندن هربری ، کریدک هیئت عمومیه سنندن زیاده کندی مملکتنه مربوطدر ، مثلاً براسفا کیالی به زه لی اولدینی صوریله جق اولسه کریدلی یم دکله ده ، اسفا کیالی یم دیر . و بو حال امنه قدیمه ده افتراق واستقلالک نه قدر عمیق اولدینی کوستیر .

قبل المیلاد ۱۴۳۰ سنه لرینه طوغری جریان ایلدیکی حساب اولنان مینوس دوری کرید تاریخ قدیمک باشلیجه وقایع مهمه سنی احتوا ایدر . مینوس ، لایرنی انشا ایتدیرمک خرافه سی ایله مشهور اولان حکمداردر . حقیقت حالده مینوسک کلوب کچدیکی زمان کریدک اک پارلاق دورینی تشکیل ایدیور . مینوس ، کریدک وسطنده کائن اولوب صوک سنه لر

ظرفنده غبار نسیان اعصار آلتشدن خرابه‌لری چیقاریلان مشهور (غنوسوس) شهرینک حکمداری ایدی . غنوسوس کرید شهرلرینک اک مهور و بنامی اوله‌رق اسکله‌سی ، جزیره‌نک شمال ساحلنده (هراقلیون) لیمانی ایدی . ۱) مینوس قوتلی بر دونما وجوده کتیره‌رک حکومات صغیره‌نک کافه‌سی تحت حکمنه آلدقن بشقه یونانلیلرک اجرا ایلیه کلدکبری قورصانلغه خاتمه چکمش وسیقلاد اطه‌لرینی استیلا ایلشدر . بوسایده کریدلیر جزائر بحر سفیده و از جمله ردوسه ، ساقزه ، لیموزه و حتی روم ایلی سواحلنه قدر یاییلیر .

مینوس یونانلیلر اوزرینه‌ده ، موفقیتله تیجه‌لنن بر سفر اجرا ایلوب

آسنلیرلی جزیره‌یه ربط ایلش و آریسطونک افاده‌سنه کوره سحلیایه قدر کیتیشدر .

اوراده بر پوصویه طوتیله‌رق تلف اولدینی کبی دونخاسی‌ده خراب اولمش و بو صورتله برمدت ادامه ایلدیکی حاکمیت

مطلقه دخی زوال بولمشدر .

کریدک قدیماً پک زیاده مهور و آبادان اولدینی حکایه ایدن مورخین

۱) عربلر طرفندن اشا اولنان (الخندق) - که شمیدیکی قندیه - شهری وقتیه هراقلیون قصبه‌سنک بولدینی موضعه تأسیس اولمشدر .



خانیه جوارنده بر مزاراقده
کرید فاتحلرینک مقبرلی

قدیمه بو بابده‌کی مدایحه‌ده التزام افراط ایلدیورلر . بونلرک قولجه او زمان اطه‌ده براییکی میلیون نفوس اولمق لازم کلیور . اومیروس کریده یوز قدر شهر اولدینی حکایه ایدیور . کریده دأر مهم بر اثر یازمش اولان فرانسنر مؤلفلرندن (رولن) ، بوفاداتی مبالغه‌دن خالی بولمه‌رق جزیره نه قدر منتبت اولورسه اولسون ایکی میلیون نفوسی قابل دکل باریندیره‌ماز ، دیور . مع مافیله مبالغه فکری قبول ایلدیکله برابر ازمئه قدیمه‌ده کریدک هر حالده غلبه‌لق اولدینی آکلاشلقدهدر ،

بلاد مهوره ماضیدن غنوسوس شهرینک باشلیجه اوچ رقیبی ذکره‌شایان اولوب بونلرده (غورتینا ، سیدونیا و فستوس) شهرلریدر . سیدونیا ایوم‌حانیه‌نک بولدینی موقعده و غورتینا ایسه ایدا طاغنک اتکلرنده و مسارا اووه‌سنک مدخلنده ایدی . مسارا اووه‌سی او زمان قدیمه دخی کریدک ذخیره انباری عد و اعتبار ایلدیکده ایدی .

غنوسوس ، فستوس و غورتینانک بو کونه قدر محفوظ قالدیلان خرابه‌لری ، کریدک مدنیت و مهوریت سابقه‌سنه پک کوزل شهادت ایتدیکده‌در . بو مهوریت و حاکمیت مینوسک اوآخر حکومته قدر دوام ایده‌یلش و آندن صکره شهرلرینه اعلان استقلال ایده‌رک کوچک حکومتلره پارچه‌لنمشدر . قبل‌المیلاد ۱۲۸۰ سنه‌سنده وقوع بولان (ترووا) محاربه‌سنه بر چوق کرید قرالیرینک (۱) اشتراک ایلدیکی ، بو محاربه‌یی نقل ایدن داستانیلرده مذکوردر . ترووا محاربه‌سندن صکره جزیره وبا و قحط کبی ایکی بلای هائلک صولتی اوکنده خراب اولمشدر .

قبل‌المیلاد ۱۱۰۴ تاریخنده موره‌ده ساکن دوریالیلر کرید اوزرینه



عرب ووندیک استیلاسی

۸۳۲ تاریخندن عثمانیلرک مبدأ استیلاسی ۱۶۴۴ تاریخنه قدر

عربلرک استیلاسی * بیزانسلرک استردادى * وندیک ادارهسى

عربلرک استیلاسی

عربلر ۸۲۳ تاریخ میلادیسنده کریدی بیزانس حکومتک لندن آلمشر و ۹۶۱ سنهسنه قدر یعنی بر عصره قریب بر مدت آطهده حکمران اولمشلردر. کریدک بو دوره تاریخیهسنه عائد تفصیلات صحیحیه مع التأسف هیچ بر یرده تصادف اولته مامقدهدر. واقعا بیزانس و عرب مؤرخلرندن بعضلری اثرلرنده کریده عربلرلرک استیلاسنندن و بیزانسلرک اطهیی صورت استردادندن بحث ایتمشلر سده بومعلومات ناقص و ناتمام اولدقدن بشقه ایکی طرف مؤرخلرینک منقولاتنده اولدقجه بیوک مبیانتلرده کورلمکدهدر. بر برینه توافق ایتیمان مضبوطات تاریخیهیی مزج ایتمک ممکن اوله میه جغندن عرب استیلاسنی اولای بیزانس مؤرخلرنندن صکره ده مؤرخین اسلامیهدن نقلاً یازه جغز.

بیزانس مؤرخلرینسک روایتنه نظراً شرقی امپراطوری ایکنجی میخائلک

کرید متعدد سفرلر اجرا ایدرک واولا سیدونیادن باشلایهرق پک جوق اقسامنی ضبط واستیلا ایلشلردر. دوریالیرک کرید اوزرنده کی حکم و نفوذلری طول مدت دوام ایتامشدر. مع مافیه کوچک کرید حکومتلری یکدیگرلری ایله حرب ایتمکدن هیچ بر زمان خالی قالماملشدر.

رومالیرک استیلاسنه قدر شهرلرده اختلال، و غنوسوس ایله غورینا حکومتلری آرهسنده کی حرب وجدال کریدک باشلیجه وقایعی تشکیل ایتمشدر. رومالیر ما کدونیا و موریهی برر روما ولایتی حالته قویدقدن صکره شرقده محارباته دوام ایلرکن کریدیلیر، رومالیرک خصملرینه معاونت ایلدکلرندن بونلر قبل المیلاد ۷۴ تاریخنده کریده سوقیات اجرا ایتمشلر وایلاک دفعه موفق اوله مامشلسده ایکنجی سفرده جزیرهی استیلا ایتمشلردر. مونتسکیو (روح القوانین) نام کتابنده رومالیرک استیلاسنی شویله حکایه ایدیور:

« کرید اوچ سنه قانونلرینی و حریتی مدافعه ایلدی واک بیوک قرالردن فضله مقاومت کرستردی. کرید رومالیرک اک صوک شکاری اولدی. »

رومالیرک دور حکومتده کاه مور، کاه سیره نایبق [۱] ولایتلرینه، و روما امپراطورلنی شرقی و غربی قسملرینه تفریق ایلدکلر صکره (ایللریا) ولایتنه ربط ایدیلان کرید، ۸۲۳ تاریخ میلادیسنده و شرقی امپراطورلنی ادارهسنده ایکن عربلر طرفندن ضبط واستیلا ایلدی. کریده خرسیتیانلق رومالیرک استیلاسی ائناسنده حواریونندن (پاولوس) طرفندن ادخال ایلمش و پک کوچ تمم ایلشدر.

[۱] آفریقا شمالنده، طرابلس غربک آقسام شرقیه سیه بنگازینک نام قدیمیدر. بودیارد و قتیله «سیرق»، تپوله مانیس و بهره نیس «نایله» اوچ بیوک شهر موجود ایدی. بنگازی بهره نیسک موقعنده کاشدر.

دور حکومتی هنگامند که هارون الرشید عهدینه مصادفدر . (طوماس)
 نام سردار طرفندن استانبولده اختلال چیقاریله رقی بیزانس ایمپراطورلغنگ
 ایشلری پک زیاده قاریشمش و اسپانیاده اجرای حکومت ایدن عرب
 امیرلرندن (ابو حفص عمر اول) شرق
 ایمپراطورلغنه عارض اولان شو تذبذبدن بالاستفاده
 یکر می کمی و بر
 مقدار عسکر
 ایله بحر سفید
 آطه لرینی
 طولاشه رقی
 کریده یناشمش
 ویاننده کی قوت
 ایله اوراده
 یرلشمیه جگنی



حانیه ده وزیر جامی

فاضل احمد پاشا طرفندن بعدالفتح انشا ایتدیرلش و مرور زمانله خراب اوله رقی یکر می سنه
 مقدم تمهیر ایتدیرلشدر .

مشاهده ایتسمیله یالکز موسم شتایی جزیره ده کچوردکن صکره اسپانیاه
 عودت ایلشدر .

ایرتسی سنه که ۸۲۳ سنه میلادیه سی اوله جقدر ، امیر مشارالیه قرق
 کمی ومقدار کافی عسکر ایله کریده تکرار کلش وکیلرده کی عسکری

چیقاروب جزیره نی فتح ایلدکن صکره عودته امکان بر اقامق ایچون
 کیلری یاقدرمشدر . اسپانیادن ومصر ایله شامدن جلب ایلدیکی دیگر
 عربلری جزیره ده اسکان و (الحدق) نامیله برقلعه دخی انشا ایتشدر .
 بیزانس مؤلفلری (ابو حفص عمر اولک) ومعیتمده کی عسکرک قورصانلق ایله
 مألوف بولندقلرینی و جزایر بحرسفیدی متمادیاً یغما ایدهرک اموال غنیمی
 کریده ادخار ایله جزیره نی قورصانلق مرکزی اتخاذ ایلدکلرینی نقل
 ایتمکده درلر . حالبوکه امیر (ابو حفص عمر اول) ایله رفقاسی اسپانیاده
 توطن ایتمش اولان عربلردن اولوب بونلرک اندلسده نشر ایلدکلری انوار
 مدینت او عصر جهل وظلمتده شمشعه باش اولمش وشو حقیقت بتون مؤرخین
 طرفندن لسان ستایشله مدح وتحسین ایدلمش ایکن مستولیلرک قورصانلق ایله
 مألوف بولنمش اولملری روایتی صحت وحقیقتدن پک اوزاق بولنمق لازم
 کلیر .


هرنه حال ایسه کرید ۸۲۳ سنه میلادیه سنده فتح اولنوب ۹۶۱ سنه
 میلادیه سنه قدر یعنی یوز سنه یه قریب برمدت عربلرک تحت اداره سنده
 قالمشدر . بومدت ظرفنده بیزانس ایمپراطورلنی جزیره نی استرداد ایچون
 التی دفعه عسکر سوق ایتمش ایسه ده هر دفعه کی تشبثات نتیجه سز قالمشدر .
 بوالقی سفردن اوچی یوقاروده اسمی کچن ایمپراطور ایکنچی میخائلمک
 زماننده اجرا ایدیلوب برنجیسی ۸۲۵ سنه میلادیه سنده (فوطینوس) نام
 جنرالک تحت اداره سنده وایکنجیسی ۸۲۶ سنه سنده (قراته روس) نام
 قوماندانک و اوچنجیسی ۸۲۸ سنه سنده (اوریف) نام سردارک قومانداسی
 آلتنده وقوع بولمشدر .

کرید
 امپراطور ایکنجی میخائلك اوغلی سن رشدہ بالغ اولجہیہ قدر اجرای حکومت ایدلردن (تہوقیسنوس) دخی ایکی سفر اجرا ایتشدرد. بشنجی سفر ۹۰۰ سنہ میلادیہ سنندہ امپراطور (لہونک) زمانندہ واقعدرد. (ایمیریٹوس) نام سردار معینندہ ۱۸۷ کی ۴۷۱۲۷ عسکر اولدینی حالده بوسفری اجرا ایتشدرد.

۹۵۶ سنہ میلادیہ سنندہ دخی (قسطنطن غونکیلی) نام جنرالک قومانداسی آلتندہ صوک سفر وقوعبولشدرد. شرق امپراطورلغنگ شوتشبتات مکرره سی تماماً تیجہ سز قالمشدر. نہایت (نیسہ فور فوقاس) نام جنرال ایکی بیک سفینہ واوجیوزیدی نقلہ کیسی ایله (دروموزس) تعمیر اولنان جنسدن بیک مراکب صغیره وقوہ کافیہ عسکریہ استحباب ایتمش واستانبولدن حرکت ایله قوش آطہ سنک آلت طرفندہ وسیسام جزیرہ سنک قارشوسنندہ کآن (فیہلا) شہرینک سواحله کلہرک ۹۶۰ سنہ میلادیہ سی شہر تموزی ایچندہ کریدہ متوجه اولمشیدی. نیسہ فور فوقاس دونمایی آطہ نک مرکزی اولان (الخدق) سواحله یناشدیردی. اوصردہ کرید امیری عبدالعزیز ایدی. روملر آطہ یه کلدکبری وقت امیر عبدالعزیز واکابر مأمونی تصادفاً جزیرہ نک ایچ طرفلرندہ بولتمش اولدیغندن فوقاس سهولتله عسکرینی ساحله چیقاروب قلعه نی محاصره ایتدی. مدت محاصره اون آی قدر اوزامش و قلعه ۹۶۱ سنہ میلادیہ سی مارتک یدنجی کونی ضبط اولتمش ایدی. آطہ نک نواحی مختلفہ سنندہ وقوعه کلان بر ایکی محاربه دن صکره فوقاس کریدی تماماً استرداد وینہ یزانس امپراطورلغنه علاوه ایلدی. عبدالعزیزک اسباب مغلوبیتدن باشلیجہ سی عسکرینک یزانس عسکرینہ نسبتاً

کرید
 قلاتی ایدی. امیر، مصردن و حلبدن استمداد ایلدی ایسہ ده ہر ایکی طرفدن ده دریغ معاونت ایتدیلر.

اطہ نک استردادی نیسہ فور فوقاسه بیوک بر شہرت تأمین ایلدی. مومی ایله، ۹۶۳ سنہ میلادیہ سنندہ وفات ایدن امپراطور (رومانوسک) زوجہ سی (تہوقانو) ایله ازدواج وشرق امپراطورلنی تختہ جلوس ایلشدی. فرانسز مؤلفلرندن (شلومبرکرک) ک «بر یزانس حکمداری» عنوانیله



عزالدين قلعه سنک جنوبدن کورونشی

سلطان عزیز دورندہ یوسف عزالدین افتدینک نامنه اضافتہ رؤف پاشا والی ایکن سودانک دکر طرفنه انشا ایلش اولان بوجسیم قلعه لیانی محافظه ایچون الزم ایدی. الیوم حبستفانہ اولہرق استعمال ایلدکدرد.

نیسہ فور فوقاس حقدہ تألیف ونشر ایلش اولدینی اُردہ کریدک صورت استردادی خبلی تفصیلات ایله حکایه ایلش وعربلرک استیلاسنہ متعلق اولہرق یزانس مؤلفلرینک ضبط وتحریر ایلش اولدقاری وقوعات مختلفہ ده (پاپاریغوپولوس) نام مؤلفک «ملت یونانیہ تاریخی» نامیلہ روجه تألیف ایلدیکی اُردہ خلاصه اولتمشدر.

۱۱۸۲ سنہ میلادیہ سنندہ کرید اہالیسی (یسارو میلینفوس) نامندہ برینک

کرید
تشویقیه بیزانس امپراطور لگنه قارشى عصيان ايدش ، بونك اوزرينه امپراطور
(آلكسيوس قومنينوس) ، اوغلى (ايسا اكيوس) ى قوه كافيهايله جزيره
اعزام ايدرك عصيانى باصير مشدر . ١٢٠٤ سنه ميلاديه سنده استانبول
فرنكلر طرفندن ضبط و تسخير و بيزانس امپراطور لنى تقسيم اولندينى وقت
كريدسلانيك قرال لگنه الحاق ايدلمش ، ١٢٠٤ سنه ميلاديه سى اغستوسنك اون
ايكنجى كوني ونديك جمهوريته صالتمشدر .



عرب مؤرخلرينك آثارنده تصادف ايديلان معلوماته كلنجه : بنى اميه
وقتنده عبدالله بن اسعد مصرده والى ايكن كريدى عنوة فتح ايتمش ايدى .
مؤخرآ اندلسده وقعه ريبص [١] وقوع بولوب اسكندريه نفي اولنان اون
نيك اسلام اوراده بارينه ميهرق كريده كچمشلر و آطه پي سهولته فتح ايتمشلردر .
(روضة الهمار) كريد فاتحلرينك اطهده مرقدلرى بولنديغندن بحث
ايدور ايسهده مرور زمان ايله كريده اسلامره عاندهج بر اثر ، حتى مقبر بيله
قالمامشدر .

[١] ريبص رقمه سى شو وجهه نقل اولنوركه اندلسده بنى اميه پادشاهلردن حكم
بن هشام ظالم اولدينى جهته قرطبه اهاليه ١٩٨ سنه هجريه سى رمضانده عصيان
ايله سراينه هجوم ايتمش و برمقانه عظيمه دن صكره حكم غالب كلوب پك چوق نفوس
تلف ايتدريمش و معتبران اهاليدن اوچ يوز قدرينى قرطبه صويي كنارينه باش آشاغى
آصديرمش ايدى . مخالفينك متباقيسنه ترك وطن ايتك شرطيله امان ووردى . ايشته
بو كيفيت وقعه ريبص اسمى ايله شهرت بولمشدر . بوضورتله اندلسدن اسكندريه
كلان مهاجرلر ، رئيسلرى (عمر بن عيساك) تحت اداره سنده اولهرق كريده عزيمت
ايدوب جزيره يي تسخير ايديلر .

کرید
كريدى ضبط و تسخير ايله بر عصر قدر تحت اداره لرنده طوتان اهل اسلامك
اندلسلير اولدينى متفق عليه اولوب آنجق كريده آنلردن اولده اسلام
اوغرادينى ا كلاشيلير .

(شهاب الدين نويرى) « نهاية الارب » نام كتابنده شويولده بيان معلومات
ايديلير : معاويه زماننده ردوس جزيره سنه كلوب عرب قله سنى بنا
ايدن كاشف بحر (جناده) نك زير اداره سنده اولهرق اهل اسلام كريد
جزيره سنه كلش ايسهده قحى ميسرا اوليوب بعض غنائم آلدقن صكره عودت
ايتمشدر . « شورويت . اطيه اندلسليرك استيلا سندن اول اسلامك
كريدكنى واضحاً كوستر مكددر .

عرب تاريخلرينك مطالعه سندن ا كلاشليغنه كوره بنى اميه دن
وليد بن عبدالملك ايله آل عباسدن هارون الرشيد زمانلرنده دخى كريده قدر سفر
وقوع بولوب بعض موقعلر اشغال ايدلمشدر . فقط بوسفر لرك اطه پي تحت
تصرفه كچيرمك ايجون دكل ، هپ غنائم اخذ و استيفاسى مقصديه اجرا ايدلمش
اولسى لازم كليور .

اسلام تاريخلرى جزيره يي فتح و اوراده توطن ايدن اهالى اسلاميه نك
اك نهايت على طريق الاغفال بيزانسيلير طرفندن مغلوب و بر چوقلرى بي
رحمانه قليچدن كچيرلكدن صكره متباقيسنك ده ديانت خريستيانيه يي قبوله
اجبار ايدلمش اولدقلىنى حا كيدر .



کرید

ونديکيليرك ادارهسى

(مونت فرا) مارکیسی (بونیفاجیو) ۱۱۸۳ تاریخچه ، وقتيله برادرینه جهاز اوله رق ویرلمش اولان تسالییا - سلانیک قرالغنه توارث ایلدی . بونیفاجیو ، ونديک دو قهسی (داندولو) ایله دردنجی اهل صلیبه اشتراك و ۱۲۰۴ تاریخ میلادیسنده استانبولک ضبطه معاونت ایتمش ایدی . فلاندر قوتی (بودوان) استانبوله ایمراطور اولدینی زمان کریدی دخی بونیفاجیویه سبق ایدن خدمته مقابل هدیه ایلش ایدی .

بونیفاجیو جزیرهی تحت حکم واداره سینه آلمی مشکل بوله رق صاتیلغه چیقاردی و جنوزلر اشتراسنندن امتناع ایلدکلرندن ۱۲۰۴ سنه میلادیهسی شهر آغستوسنک اون ایکنجی کونی ، اون بیک کموش مارق یعنی درت قیه آلتون مقابلنده ونديکيليره ترك ایلدی .

کرید جزیرهسی وجه مشروح اوزره ونديک جمهوریتنه صاتلدینی صره ده ماکدونیا نك جهت غریبه سنده کان اراضیدن سنوی اون بیک لیرا ایراد کتورور بر قسمنک دخی مونفرا مارکیسنه توجیهی ، طرفین بیننده منعقد شرائطدن بوللمش اولدینی بعض مورخین طرفندن روایت اولنیور ایسه ده دلایل ووثائق تاریخیه نك مفقودیتنه بناء شو کیفیت بیعک حخته درجه مقارنتی معلوم دکلدر . درت قیه آلتونک یالکز کرید مقابلنده ویرلمش اولدینی اکثر مورخین طرفندن تصدیق و تأیید اولنمقده در .

ونديک جمهوریتی کریده حکم و نفوذینی تأسیس ایده بیلمک ایچون چوق اوغرا شمعنه مجبور اولدی . اطهیه وضع ید ایتدیکی وقت کریدلیردن مظهر اولدینی حسن قبوله اغتراراً قوه عسکریه سنی تزئیده لزوم کورما مشدی .

کرید

بو یله معمور و مکمل بر اطه نك ونديکيلير اله دو شمسنی بر درلو چکه میان جنوزلیر ، رقیبیلرینک شو حال غفلتندن بالاستفاده اطه ده تحریکاته باشلادیلر . مالطه او جانغی سرکرده سنی مهمات و وسائط کافیه ایله خفياً اعزام ایده رک اهاالی بی آغاغه قالدیردیلر . شو عصیان غیر مأمول اوزرینه ونديکيلير کلدکلری کیلره را کباً مملکتلرینه رجعتدن بشقه چاره بوله مامشلردی . فقط در حال ؛



کرید مسلمانلری

قوه کافیه کوندریلوب اطه نك بعض مواقع و نقاطی ضبط ایدیلره رک برنجی اختلال باصدیریله بیلدی (۱۲۰۷) .

بوغائله دن صکره ونديک جمهوریتی ، اهاالی جزیره یی کندیسینه ایصنديرمق ایچون ونديکدن کریده آلتی یوز خانه مهاجر سوق و بونلری ، اختلاله اشتراك ایدن کریدلیردن مصادره ایدوب کندیلرینه احسان ایلدیکی

کرید
 اراضی به اسکان ایلدی ، مقصد اهالینک اختلاط و استلاقی ایدی . حال بوکه تدبیر هیچ بر فائده بخش ایتدکن بشقه ۱۲۱۳ سنه میلادیه سنده اهالینک بر کیجه بغته قیامی و لاشید سنجاعی اطرافنده متمکن و ندیکیلردن اکثرینک قتل و اعداملرینی انتاج ایلدی . بو ایکنجی اختلالک اطفاسی سنه لرحه اوغراشلدقن صکره میسر اولدی .

۱۲۱۷ سنه سنده ظهور ایدن اوچنجی اختلال ، رؤسای عصاته تیمار لر تفویضی کبی بعض شرائط ایله باصدیر یله بیلدی . ۱۲۳۰ سنه سی اختلالی ایسه برایکی سنه امتداد ایلدی . و ختامنده و ندیک جمهور ی کریده یکیدن مهاجر سوق ایده رک بونلره حانیه قلعه سنک انشاسنی ده امر و حواله ایلدی .

میخائل پاله بولوغوس ، قسطنطینیهدن اهل صلیبی و عموماً فرنکاری طرد و اخراج ایلدکن صکره بحر سفید اطهرینی ضبط ایتک املیه بر بیوک دوغما سوق ایتشدی . و بو میانه ۱۲۶۱ سنه میلادیه سنده کرید اهالیسی دخی و ندیکیلر علیه تحریک ایدیلرک بوضورتله باشلایان اختلالک تسکینی ۱۲۷۱ سنه میلادیه سنده میسر اوله بیلدی . چوق کچه دن ینه روم ایمپراطورینک تشویقاتی ایله یدنجی بر اختلال ظهور ایده رک جمهور ی خیلدن خیلی اشغال ایلدی . و ندیکک کرید و ایسی سارکی (غزاده نیقوبه) فاتح ثانی عنوانی قزاندیران بو اختلال ، کرید عصاتی ایله رؤساسندن پک چوغنک قتل و افساسی و متعدد او و کویدرک احراقی کبی تدابیر شدیدیه ایله دفع ایلدی .

کریده دائر یازلمش اسکی بر تاریخده بو اختلالدن بحث ایدیلورکن عیناً شو سطر لر کوریلور :

کرید
 « وقت مذکورده قسطنطینیهدن ایمپراطور لر ی کریدک وسائر روم ملتدن بولنان مملکتلرک کندی زیر اداره سننده اوله رق اتحادینی آرزو ایدوب فقط بونی فعله کتیرمک ایچون عسکر و دونماری اولدیفندن اهالی پی خفياً تحریک و تشجیع ایله اکتفا ایتدکری کبی زمانزده یونان دولتی دخی عینیه بوافکار و حرکتده در ! »
 بونی تعقیب ایلمیان اختلال ، تام اون سکز سنه دوام ایتدی . بو آردلق کریده جنو یزلرده کلوب حانیه پی اشغال ایلدیلر . اختلالک امتدادی یوزندن زراعت



کرید خرس تیانلری
 برکوی بلدییه هیئت و کوی بکچیلری

و حراست یاییله مدیفندن جزیره ده قحط ظهور و طاعون ده اجرای حکم ایتمش اولدیفندن و ندیکیلر حانیه پی استرداد و پک چوق روم پایسی وسائر پی اعدام ایلدکن صکره رؤسای عصات ایله عقد مصالحه ایلدیلر .

۱۳۰۳ سنه میلادیه سنده کریده ظهور ایدن بر زلزله عظیمه پی ینه بر اختلال



کریڈک عثمانیلر طرفندن فتح و اداره سی

فتحندن اول * کریڈمخارتک سبب ظهوری * فتحه طوغری * کریده!... *
 حایه نك محاصره سی و ضبطی * حایه نك فتحندن قندیه محاصره سنه قدر * قندیه
 محاصره سنه مباشرتدن اول * صلح مذاکرتی * تدارکات سفریه * قندیه نك
 محاصره و اشغالی * قندیه نك فتحندن صکره *

فتحندن اول :

فتحندن اول عثمانیلر شمالاً ایلیریایا منتهالرینه ، غرباً جزائر ایلیریلرینه قدر
 اولان بتون ممالک و سواحلی ضبط و استیلا ایلدکاری زمان بحر سفید حوضه سنه
 اماماً حاکم بولنیورلردی . کریڈ ایسه بحر سفیدک کلیدی حکمنده اولدیغندن
 سلطنت عثمانیه نك فتوحاتی صاعلام بر اساسه ربط ایچون جزیره نك مطلقاً
 ضمیمه ممالک قلمسی طبیعتیه وارد خاطر اولور بر امر ضروری ایدی .
 ونیدک جمهوریتی سطوت عثمانیه یی لایقیله تقدیر ایتمش اولدیغی ایچون
 حکومت عثمانیه ایله خوشیجه کچنمکه طرفدار کورنمکه برابر بوسطوتک زوالنه
 زمان زمان ال آلتندن چالشمقندن خالی قالمایدی .

کریڈ
 تعقیب ایلدی ایسده کریڈ سرکرده لرندن (قاله رکنک) غیرتی ایله جابق تسکین
 اولندی . وبوندن صکره کریڈه برخیلی ونیدک مهاجریدها سوق ایلدی .
 قاله رکی ۱۳۱۹ سنه سنده کی اختلالی دخی باصدیردی .
 کریڈه متمادیاً ظهور و افول ایدن اختلالانک عددی اونیشدر . طرفیندن
 ائتلاف ایدیلان نفوسک عددی بلکه جزیره یی یکیدن اسکان ابدجک
 مقداره بالغ اولمشدر . ونیدکیلر ، بو اختلالات اناسنده کریڈیلر اراضی
 اکدیرمه مک کبی اکشدید تدابیر تضحیه تطبیق ایلدیلر ، خلاصه بیک مشکلات
 ایله و ۱۶۰ سنه چالشدقندن ، چارپشدن صکره کریڈه مالک اوله بیلدیلر .
 بوادوار نجایی تعقیب ایدن سنه لده ایسه کریڈک حصول ترقیسنه چالشه رق
 وسیعی و تشبثلرنده موفق اوله زرق سرور زمانه اطه یی حقیقه اورویا ممالک کنه
 مشابیه بر حال عمرانه چیقاردیلر . جزیره ۱۲۰۴-۱۶۶۴ تاریخنه قدر یعنی
 درت بچق عصر ونیدک اداره سنده قالمشدر .
 کریڈک عثمانیلر طرفندن فتحی ایچون ونیدک جمهوریتی ایله وقوع بولان
 محاربات ۱۶۴۴ تاریخ میلادیسنده باشلاز .



کرید
 ۹۴۰ سنه هجریه سنده بارباروس خیرالدین پاشا سکسان درت پاره سفینه ایله
 ایتالیا سواخلنه وقوع بولان سفرنده کریده دخی اوغرایه رق اسپرلوقه قلعہ سنی
 تخریب ایتیش و برخیلی اسرا آلمش ایدی . ۹۴۰ تاریخنده میلویوطامو
 حصارینه چیقلمش و عثمانلیلرک آوازہ صوتی اوکنده محافظلر فرار ایتیش
 اولدیغندن حوالیده بولنان یکریمی برکوی یغما ایدلمش ایدی . میلویوطامو
 غزاسی صفرک اون بشنجی کونی واقع اولمش و اون دیدیسنده حانیه قلعہ سی
 پیشکاهنه دمیآ تلمشدر . کیمیری کورن اهالی هپ قلعہ یه طولهرق قیولری
 قیامش اولدقلرندن اوکون صوآ لنوب ایتسی کون قلعہ جنکی تدارکنه نشبث
 اولمش ایسنده قلعہ نک دکز طرفنده اولان استحکامی و قره طرفنده کی برج
 و بارولرک متاتی تدارکات مستقله یه احتیاج کوسترمکده اولدیغنی بعض کار آزموده
 اسکی قیودانلر بیان ایدلکلرندن محاربه دن صرف نظر اولمش و یالسکز کیلرک
 اوراده قالدینی اوچ کون ظرفنده قلعہ اطرافی اورلمشدر .

دوئمای عثمانی حانیه دن رسمو طرفنه کیده رک متجاور کویلر یغما ایدلمش
 و اورادن ایستیه یه کچیلوب محافظلرندن فرار ایده مامش اولانلری اسیر آلمشدر .
 بعده اسقلاریه واستیلو نامنده ایکی حصار دخی ضبط اولنهرق ناحیه لرنده بولنان
 کویلر دن سکسان قدری یغما ایتدیرلمشدر . بو وجهله برهفته ظرفنده جزیره
 سواخلنک اقسام مهمه سی اوریلهرق و ندیکیلرک عثمانلیلره قارشی اولان
 حرکات دشمنانه لرینه مقابله کافیه اجرا ایدلمشدر .

۹۷۸ سنه هجریه سنده قبریس جزیره سنک ققندن صکره سردار پرتو
 پاشا ایله قیودان عثمان پاشا ردوسه کلوب اوراده برمدت آرام ایدلمش و دشمن
 دوئماسندن بر خبر آله ماه سنه بناء کریده کیدیلوب بعض سواحل غارت

کرید
 اولمشدر . عثمانلیلرک کریدی قق و تسخیره عزم ایلزدن مقدمه کی بعض حرکاتی
 احوال مسروده دن عبارت اولوب بونلرده و ندیک جمهوریتنک حکومت عثمانیه یه
 قارشی جلی و خفی ایقاع ایلدیکی اطوار خصمانه یه بر مقابله تأدییه مقصدی ایله
 اجرا ایدلمش ایدی .



کرید محارباتنک سبب ظهوری :

دولت لیرک ، ملت لیرک بربرلری ایله چار بشمه لری ایچون حقوق دول
 قواعدندن بر Casus belli یعنی سبب حربک وجودی لازمدر . کرچه
 عصر حاضرده اولدینی کبی اعصار سابقه دهه بریرک قق و استیلاسی الزم عد
 ایلدیکی وقت ، یکانه سائق دایما بولوزومدن عبارت اولمش ایسنده ، انسانلرک
 هان هیچ بر زمان منحصرأ سبب حقیقی یی اورته یه سورهرک سلمه السلام
 حربه کیرشدکلری کورلماش ، دایما بر بهانه بروسیله یه استناد و بولتمازسه
 ایجاد ایدلمسی بر عادت مستقره اولوب قالمشدر .

تدقیقات و تتبعات مخصوصه مزه نظراً کریدک ممالک عثمانیه یه الحاق ایدلمسی ،
 شوکت عثمانیه نک اتمام و تحکیمی ایچون الزم کورلدیکنندن ضبط و استیلا تصوری
 اوتهدنبری عثمانلیلرک قیلرلرنده یر ایتیش ایدی . حتی حقیقی وجدی سفره
 باشلانزدن ایجه زمان اول حانیه فاتحی یوسف پاشانک بر سوزی ، کرید
 حقنده کی مقاصد مقرره عثمانیه نک استدلالنه مدار اولور . (هانمر) ، تاریخ
 مشهورنده یوسف پاشانک حیاتندن بحث ایدرکن مشارالیهک دالماجیا مضافاتندن
 (ورنه) قصبه سی زعمی علی اغا اسراسندن ایکن یاورى طالع واقبال
 ورهبری استعداد و کمال ایله قطع مراتب اجلال ایلدیکنی حکایه دن صکره ،

وطن قدیمی اولان ورنهده انشاسنی امر ایتدیکی جامعک کره میدلری ایچون :
 — (پوی) دمی ، یوقسه (انکروس) دمی کتیره لم ؟ دیه کندیسنه
 واقع سؤال واستیضاحه جواباً :

— جامع یایلسون ، کره میدینی بالذات کتیره حکم . دیمش اولدیغنی یازمقدمه

وبونکله کرید سفرینک مصممیتنی قصد
 و اشارت ایش بولندیغنی آکلا شتقدده در .

کرید محارباتنک توارینخده
 مسطور اولان سبب ظهورینه کلنجه :

۱۰۵۴ تاریخنده درالسعاده

اغاسی بولنان سنبل اغانک بعض کونا
 اطوار وحرکاتی سلطان ابراهیمک
 حدتی موجب اولدیغندن کندیسنک
 مصره نفی وابهادینی اراده ایلدی .

دوچار غضب پادشاهی اولان سنبل اغا
 بو وسیله ایله حجه کیتمکده نیت ایتمش
 ایلدی . اغانک سفری بحر آواقع اوله جق

ایلدی . حال بوکه آلائی کیلمش اولدیغندن مجدد آنشا ایدیله رک قره دکزدن
 هنوز گلش اولان ابراهیم رئیسک یکی قات انبارلی قالیوننه اغانک بش مصر خزینه سی
 ایله جواری و غلمان ، قرق رأس عرب آتی ، سائر جمله اموال و اشیاسی و بش
 یوز نفری متجاوز مسلح توابعی بوکمی به ارکاب ایلدی . مکّه مکرمه قاضیلغنه تعیین
 اولنمش بروسوی محمد افندی ۱] توابعی ایله و برچوق حجاج مسلمین ده

[۱] بالآخره « اسیری » لقبی ایله تلخیص ایتمش و مقام مشیخته کچمشدر .



ابراهیم اول بن احمد اول

ولادتی ۱۰۲۱ جلوسی ۱۰۴۹ خلقی ووفاتی ۱۰۵۸
 کریدک فتحنه بو پادشاه زماننده باشلامش و حلیه
 و رسمو قلملری فتح ایلمشدر .

عین سفینه یه راکب اولدیله . بو صورتله یولچیلرک عددی بیک اوچپوزه بالغ
 اولمش ایلدی . سفینه یکی یانیش اولدیغندن لوازم و مهماتی تمام دکل ایلدی .
 یالکیز درت طوبی وار ایلدی . حرکت تعجیل اولدیغندن بوتقصان مهمات
 ایله یوله چیقمنغه مجبور قالدیلر . حالبوکه اووقت بحر سفیده برچوق قورصان
 کیلمری کزیمک و کندی ملتندن بشقه ملته منسوب سفاننه راست کلدکده
 — کوجلری یته جک کبی ایسه — هان اوزرینه واروب ضبط و غضب ایتک
 عادتی رواجده ایلدی .

مالطه قورصانلری سنبل اغانک راکب اولدیغنی سفینه نک حرکتنه
 وایچنده کی امه ال و اشیا یه مطلع اولدقلرندن التی یاره چکدیرمه ایله کذرکاهنده
 بولنان اطهره کلوب و رودینه منتظر اولدیله . سنبل اغانک کیسی موافق
 روزکار ایله ردوسه موصلت ایتدیکی صرهده ، قورصان کیلمرینک یوله
 مترصد بولندقلری شایع اولمش ایلدی . ردوس اهالیسی اوراده برقاچ کون
 توقف ایلمسی ایچون برچوق رجالده بولندیلر سده سنبل اغا موسمک
 کچه چکی بیانیله کیتمکده اصرار ایلدی . فپودانک نقصان مهمانن بختله
 برمدت ردوسده قالمق ایچون وقوع بولان التماسی دخی اغا زدنده مظهر قبول
 اوله مدیغندن حرکت ایلدی .

قورصان کیلمرینه کرید آچیققرنده تصادف اولندی . درحال حربه
 طوتوشلدی . طوب آتشی بر کون برکیجه دوام ایتدی . دشمن کولله لری
 سفینه نک دیرک و دوومنی قرمشدی .

افراد مسلمیندن برچونخی شهید اولمش ، یالکیز برقاچ کشی قالمش ایلدی .
 سنبل اغا ایله ابراهیم رئیسده قتل و اتلاف ایدیلنر میاننده ایلدی .

کرید
مالطیزلر کینک اطرافنی قوشاده رق ایچنه [سولطاط] دوکوب اوچ
ساعت قدرده داخلأ غرتلاق غرتلاغه جنک ایدلکدن صکره سفینه یی
ضبط و اشغال ویدکه آله رق کربدجزیره سنک، برروایتده قندیه، دیگرروایتده
حانیه قلعه سنه کتوردیلر .

اغتتام ایتدکلری مالدن قلعه محافظ وامراسنه بر مقدار ویردیله . ۱
صائق ایچون طیشاری چیقاردقلری قزلره قارشو حقارت فاحشه ارتکاب
ایدلی .

قورصانلر کیمی یی آلوب مالطیه عودت ایدرکن مسینا آچیقارنده کیمی
باتمش ، ایچنده کیمی اموالک غاصبلرده فائده سی اولمامشدر . ۲

۱ [غنیمتلردن کرید حاکمه پیشکش ووروب جمله دن سنبل اغانک آنلردن قندیه
بکنه کوندرمکه طشره چیقاروب کوندررکن اول جزیره راهبرندن براق واقف حکمت
واهل بصیرت رهبان :

— جزیره مزه ترکک آتک ایغنی باصدیغی ایوعلامت دکدر . سابقا ردوسده ،
وسائر جزیره لرده مثلی سبق ایتمشدر ، دیوفان ایلدیله . [نعما جلد ۴]

۲ [بعض اجنبی تاریخلرنده بوضبط اولنان سفینه ایچنده سلطان ابراهیمک شهزاده لرندن
بری ده بولنوب استرداد ایچون بیوک برفدیله ویریله جکی امیدیه قورصانلر طرفندن
باکال عز و اعتبار محافظه سنه اعتنا و بر مدت انتظار اولمش ایسه ده درسعادتدن خبر
ظهور ایتمش و بو شهزاده دنیلان چوجکک مناستمه کیره رک Padre ottomano
(پادره اوتومانو) نامی ایله راهب اولمش اولدیغی روایت ایدیلیور .

حال بوکه وقه نك حین کذراننده سلطان ابراهیمک اکبر شهزاده سی سلطان محمد
رابع اولوب اوده درت یاشنده ایدی . او وقت سلاله عثمانیاندن ایسه یالکنز سلطان
ابراهیم موجود ایدی . بناء علیه روایت واقعه نك بو اعتبار ایله طوغری اولدیغی
بدیه یاندنر .

یالکنزها مرده ، سنبل آغایه توجه ایدن غضب پادشاهینک ایضاحی صره سنده ،
پک یوکسک بهایله آله رق آغانک دائره سنه باکر اولق اوزره ویردیکی بر جاریه نك بر
مدت صکره دنیایه برارکک چوجق کتیرمش اولسی برچوق منافسات و مناقشاتی استلزام

کرید
ایشته سنبل اغانک را کب اولدیغی سفینه یه واقع اولان بو تعرض درسعادتده
بیوک هیجان و انفعالی موجب اولمش وقورصانلرک کرید صولرنده بارینه رق
سفینه یه انتظار ایتملری و آنی ضبط ایتدکدن صکره دخی کریده کتوروب
جاریه لره حصارات شنیده ده بولمش

اولسی ، بالخاصه اوزمان کریدک حاکمی
اولان ونیدک جمهور ی علمینده غضب
وحدتی دعوت ایلش ایدی .



محمد رابع بن احمد اول

ولادتی ۱۰۵۱ جلوسی ۱۰۵۸ خلعی ۱۰۹۹
قندیه نك و جزیره نك قتمی بو پادشاهک دورینه
مصادقدر .

علی الخصوص ونیدک بالیوسندن
ماجرا یه در اریضاحات طلب ایدلکده :
— لیمانلر من دوست اولان
بتون دولتک کیمیلرینه آچیق اولوب
مسافره کلانلره رعایت اولنور .

صورتنده جواب آلمسی انفعال
وغلیانی درجه نهاییه قدر تزیید ایتمش
اولدیغندن ، ونیدک جمهوریتنک

ادعاسندن خالی قلمدیغی دوستلق مناسباتی ایله قابل تألیف اولمان شومعامله یه
کریدک ضبط و تسخیری ایله مقاله ایدلمسنه قرار ویرلمشدر .

ایلدیکی و چوجغی ایله برابر بو جاریه نك ده سنبل آغایه میتنده کتوردیکی بیان
ایدلکده در . اکر بو محمول السنب چوجق برحیات قلوبده قورصانلرک ننده اویله
بر تریه کورمش ایسه روایت واقعه بوندن غلط اوله بیلور .

مع مافیله اوروپاده شهزاده تلقی ایدیلان ایلک و یکانه آم بو اولدیغی کیمی ، ذاتاً
تواریخ عثمانیه ده ده حقیقته مغایرتی پک قطعی بولندیغی ایچون روایت دور و دراز ندقیقه ،
اعمال فکره دکز .

بوقرارك استناد ایلدیکی اسبابده کی معقولیت و مشروعیت محتاج تفصیل و ایضاح اولیه جق ماهیتده در .

اولا وندیک جمهوریتی دولت عثمانیه دشمنلری ایله بلا موجب وبالدفعات عقد اتفاق ایلش و عثمانلی قوت و حیثیتنه خلل ایرا ایلدیجک احوال و معاملات ترویج و تشویقندن هیچ بر زمان خالی قالمامشدر .

وندیک جمهوریتی قوه بجزیه عثمانیه نك آق دکزده حکمران و صاحبقران اولوب قالمسی اندیشه سندن قورتوله مدیغندن عثمانلیلره قارشی هیچ بروقت ابراز صمیمیت ایده مامش، خیانت و اهانته کلنجه اندن کلانی کیروبر اقامشدر .

مالطه لی قورصانلرک کیریدصولر نده عثمانلی سفینه سنه انتظار ایلهلری و صکره ده مال غنائمه کیرید لیمانه کلهرک مظهر حسن قبول اولهلری دخی دولت عثمانیه یه قارشی ارتکاب ایدیلان بوفضاحتک وندیکلیلرجه موجب ممنونیت اولدیغنی اثباته مدار دلانلندر .

شو حادثیه قارشی ارکان و اعیان دولت ایله عقد اولنان مجلس مذاکره و مشاوره ده حرکتک فاعللری مالطیزلر ایسه ده بونلرک تأدیب و تنکیللری قولای برایش اولدیغنی ۱۱، فقط کیرید بشقه بر دولتک النده بولندقجه

آندن اولده فاتحک قرداشی اولق ادعاسنده بولنان بر روم چوغنی اورویایه کیتمش، پایا (اوچنجی قالیقکس) طرفندن و افیز ایدیلهرک « قالیقتوس اوتومانو » Calictus ottomano اسمی ایله توسیم ایدلمش و اوچنجی فرزدریق نزدیکه منشأ کاذبی اعتباری ایله فوق العاده مظهر رطابت و اکرام اولمش ایدی .

۱۱ نته کیم کیرید سفرینه هنوز مباشرت ایدله دن بالتصادف مالطیزلردن انتقام آلمق میسر اولدی . کیرید سفرینه اشتراک ایده جک امرای بجزیه درسعادته کلوب سرداره ملاقی اولق امرینی آلمش ایدی . آنلردن محی پاشا اوغلاری ردوسدن چیمقوب درسعادته کلورکن (اسکرلی) آطه سی لیمانده اون بندر مه طوب چکر مالطه کینه راست کلشلرو بی محابا صولتله ایچنده کیلری مغلوب و درزنجیر و کیرینی تسخیر ایده رک جمله سنی استانبوله کتیر مشلردر .

بحر سفیده بونوع احوال دن و بلیکه دهسا بیوکلرندن آزاده سی قالمیه جنی و چونکه بودفعه کی حرکتی ایله ده تأید ایتمکده اولدیغنی اوزره وندیک جمهوریتی دولت عثمانیه نك رقیبی اولوب یادیکر لرینی تشویق و حمایه ویا بالذات کنیدیسی تصدی صورتلری ایله هر بار ازجاج و اشغال دن کیرو طور میه جنی دوشونلش و بناء علیه آرا اول باول کیریدک اله کیرلمسی جهتده طوبلانمشدر . نتیجه قرار حضور پادشاهی یه لدی العرض، تدارکات سفر یه یه باشلانسی اراده ایدلمش، فقط برای حرب کیریده سفر ایدیله چکنک محتفی طوتلمسی التزام اولنمشدر . تدارکات سفر یه نك اقدامی دونما نواقصنک اکمالی تشکیل ایدلیکندن ایچ خزینه دن اوچ بیک کیسه چیقوب قره دکز ایله اذمید طرفلرندن کراسته تدارکی ایچون معتمد آدلر کوندرلدی . آطه لردن ده اوسته مرانغوزلر کتیر دلمشدی . پی در پی کراسته کلکده و ترسانه نك هر کوزنده قوریلان قدرغله ر کچه لی کوندوزلی چالیشلق سایه سنده هفته ده بر اولق اوزره اکمال و دکزه ایندیرلمکده ایدی .

کیرید سفری مراقی سلطان ابراهیمی پک زیاده اشغال ایدلیکندن ، حیات حکومتی آلوده لوٹ سفاهت اولان مشار الیه بومسئله ده بیوک برجد و همت کوسترمکده ، هر کون بالذات ترسانه یه کلهرک اعمالاتی نظر تقنینشدن کچیرمکده ایدی . دینله بیلورکه سلطان ابراهیمک کیریدسفرینه عطف ایلدیکی اهمیت و او نسبتده ابراز ایلدیکی غیرت تقصیرات متوالیه سنک کافه سنی اونوتدیره جق درجه ده ایدی . حتی کیرید محاربه سنک کیزلی طوتلمسی و ظاهرده مالطیزلره قارشی سفر ایدیله چکنک اشاعه ایدلمسی تدبیری دخی سلطان مشار الیه اسناد اولنورکه بیانخی دکرلی بر فکر سیاستدر .

دو نمانك اكال نواقصی ایله برابر اناطولی و روم ایلی عسا کرینك حاضر لانه سی ایچون هر طرفه او امر کوندرلمش ایدی ، بغداد والیلکندن معزول کوچك حسن پاشا ، روم ایلی طرفنده کی عسا کری طوپلایوب ایلك بهارده سلانیکه کلک اوزره اعزام اولندی . اناطولی طرفنده ده قسطمونی ، انقره ، صاروخان ، حمید ، تکه ، آیدین سنجاغلرینه ، قرمان ایالتنده قیر شهری ، نیکده ، اقسرای بکلرینه ، سیواس ایالتنده چوروم ، آماسیه ، بوزهیوک لوالرینه ساقز



کرید فاتحی

کوپریلی زاده فاضل احمد پاشا
ولادی ۱۰۴۵ ، ارتخالی ۱۰۸۷
مدت صدارتی ۱۵ سنه

اطهسی قارشیسنده چشمه لیمانه تجمع اتملری لزومی بیان ایلدی . بونلر ، موقتاً سردارلغه تعیین اولنان میر آخور سابق و بالفعل آماسیه بکی احمد پاشا معینده طوپلانجهقلر ، قرمان والیسی طوراق پاشا دخی تجمع ایدن عسکری سفانسه اسکاب ایلیه جک ایدی .



فقهه طوغری :

بیك اللی بش سنه هجریه سی اول بهاری قریب حلول ایکن ، باشلانلش اولان تداركات حربیه ده اكال ایلك اوزره بولنیور ایدی . روم ایلی و اناطولی عسکرینی آلق اوزره سلانیکه طقسان و چشمه یه آلتمش

پاره قالیون ، شقه و قره مرسل کوندریله رك بونلره اون بش بیك قنطار باروت ، اللی بیك دمیر کولله ، اللی قطعه بیوک طوپ ، بر چوق قازمه ، کورک و سائر آلات حربیه تحمیل اولندقدن بشقه اللی بی متجاوز تجار کمیسی کیرا ایله طوتیهلر ق ارزاق و مهمات یوکلدلمش و دو نمان اول یوله چیقارلمش ایدی .

قوای متحشده نك قومانداسی حرم هایوندن چیقمه قیودان دریا سلدار یوسف پاشایه توجیه و قائم مقام صدارت بوسنوی قوجه مصطفی پاشا کندیسنه ترفیق اولندی . بغداددن کلوب زاغرجی باشلیقدن یکچیری کتخداسی اولان مراد اغا یکچیری اغاسی یرینه تعیین ایلدی . صمصونجی باشی ابراهیم اغا ، خصکی علی اغا و سائر چورباچیلرله بتون اتباعی آنک معینته ویرلدی .

امرای بحریه ، وقوع بولان دعوت اوزرینه هر طرفدن پایتخته کله رك قیودان پاشایه ملاقی اولدیلر . سفره حاضر اولق ایچون لازم کلن تعلیماتی اخذ و تلقی ایلدیلر . ایلك بهار خلولنده ، سردار اکرم ترسانده (جزائر قلی) تسمیه اولنان دائره ده بحریه عسکرینک یوقله سنی اجرا ایلوب کندیلرینی معونه و قدرغله ره توزیع ایلدی .

سفره مأمورا اولان امرای بحریه ایله اوجاق اغالرینه ، چورباچیلره ترغیب و تشویق ایچون خلعتلر کیدیرلمشدی . اجرا اولنان بیوک و مطمئن شهر آینلرک شعشعه سی آرهنده دو نمانی عثمانی بیك اللی بش سنه سی ربیع الاولنک دردنچی کونی مرسای درسعاتی ترك ایده رك صورتا مالطه اوزرینه متوجهاً بحر سفیده حرکت ایلدی .

سردار اکرم حرکتدن مقدم یالی کوشکنده حضور پادشاهی یه داخل

کرید
اوله رق ارکان سارء حکومت حاضر بولندی فی حالده اوامر لازمه بی تلقی ایلدی و خلعت ثمنیه قوماندانی اکسایسه ، تعریف اولنان محله آچلق اوزره کندیسنه قیالی برده مکتوب تودیع اولندی . (۱)

دونما ساقزه مواصلتده ردوس بکی ابراهیم بک ، روم ایلی عسا کرینی ، قز لخصاره جمع و تحشید ایتک امریله سکز قطعه قدرغیه بالارکاب او طرفه عزیمت ایلدی . اناطولی عسا کریده چشمه دن قرق پاره سفینه یه بندیریلهرک ساقزه کچیرلدی . اناطولی میرمیرانی احمد پاشا ایله سیوانس ، قره مان و اناطولی الای بکلری نزد سردار اکرمه کلوب مشار الیه ملاقی اولدیلر . ساقزده سکز کون آرام و استراحت اولندقدن صکره یوله چیقلمش ایسه ده

(۱) دونمای عثمانیک حرکتدن صکره وندیک جمهوریتک درسعادت بالیوسی (سفری) جب اوله رق سنبل آغا و قعه سنده وندیک حکومتک دوستلق شاننه یاراشیمان اوضاع و حرکاتی کندیسنه معرض تکدی برده بر بر ایراد اولندقدن صکره بر معتاد یدی قله یه کوندریلهرک حبس و توقیف ایدلمش ایدی . اوزمان تعقیب و اتباع ایدیلن اصول و عاداته کوره بو کیفیت قطع مناسبت و اعلان حرب و خصومت دیک ایدی .

وندیک جمهوریتی اوتنه دنبری دولت عثمانیه تک، بجراده شوکت و سطوتک سرمته به لریزه ارتقا ایده جکی قورقوسیه دائم اندیشه ده اولدیغی و سنبل آغا حادثه سنده مالطیزله اجرا ایلدیکی مماشات معاونتکارانه سنک ده مقابله سز قالمیه جفته احتمال ویردیکی ایچون بالیوسک درسه نتیجه توقیفی ماجرا سندن خبردار اولدیغی حالده بیله هر احتمال قارشى تدارکلی بولمقی لزومه قائل اولمش ایدی . حتی ترمشدن آوارته متوجهاً حرکت ایدن دونمای عثمانی اجزاسندن مخالفت هوا ایله چوقه آطه سنه دوشن کیرک بالتصادف ضبط ایتدکلی وندیک سفینه سی دخی - که مهمات جریبه ایله مالی ایدی - جهورک اتخا ایلدیکی تدابیر جریبه آزاردن در .

وندیک جمهوریتی عثمانیلرک کیریده کله رک حانییه بی محاصره ایتدکلی او کوندیکی زمان بالیوسک استانبولده موقوف بولندیغندن حالا خبردار دکل ایدی . معرمانه ذاتاً منتظر بولندیغی بو محاصره خبرینی آلمقه بالیوسک موقوف اولسی لازم کله جکنه حکم ایتمش و بو حکمنده دخی بالطبع اصابت ایلشدر .

کرید
ظهور ایدن شدید بر فورطنه بتون سفائی طارمه طاغین ایلدیکندن ، مدیالی بکی ولی بک بونلری مورهنک جنوبنده کأن سیقلا بوغازینک غرب طرفنده (ترمش) ه سوق ایتکه مأموراً تحریاته چیقاردلی . اوچ کون ظرفنده موقع مذکوره واصل اولان سفانک عددی قرق طقوزه بالغ اولمش ایدی .


روم ایلی عسا کری قوماندانلغنه تعیین ایدلمش اولان حسن پاشا دخی ربیع الاولک یکرمی دردنده حرکتله قز لخصاری کچوب ربیع الآخر ابتدا سنده طقسان سکز پاره سفینه ایله ترمشه مواصلت و دونمای هایونه التحاق ایلدی . حالاسفک مالطیه قارشى ترتیب ایلدیکی ظن اولنیور ، کیمسه هدف حرکتک کیریده متوجه اولدیغندن خبردار بولنیور ایدی .

وندیک جمهوریتی بوخبر اوزرینه بک چوق عسکر جمع و تحشید و سفائی موجوده سنی تجهیز کبی تدارکات جدیدیه توسل ایتکه برابر بتون اوروپا دولترینی، اوروپانک سوری مئابه سنده اولان جزیره تک قورتارلمسی خصوصاً منده معاونته دعوت ایلدی . و بو دعوتنامه سنده دولت عثمانیه تک جزیره به بلا سبب هجوم ایتکه اولدیغی ده بیلدردی . سبب حقیقی حرب کیردک بائی حال ایدی تسخیر عثمانیانه کچیرلمسی مقصدی اولسه بیله محاصره واقعه تک اسباب کافیه دن عاری اولدیغی ادعایى بالطبع غیر وارد و غیر مقبولدر .

وندیک جمهوریتک بودعوتنامه سنی برویقه تاریخیه عد و اتخا ایلان بعض مؤرخین غریبه ، او فقره یه استناداً محاسبه تک بالاسب وقوع بولمش اولدیغی ادعا ایلکده درلر . حال بوکه وندیک ایله دولت عثمانیه آره سنده بر حرب وقوعی احتمالنه اک زیاده قائل اولان یه وندیک جمهوریتی ایدی . بولسز و مناسبتسز حرکاتیه عاقبت محاصره به کیریشیله جکنی بیلور ، آنک ایچون اتخا تدبیر و تدارکدن هیچ ده خالی قالمیوردی . اوروپا دولترندن هر بری بر غائله ایله مشغول اولدیغندن دعوت واقعه یه اجابت ایده مبوب بالکیز فرانسه دولتی ، دولت عثمانیه ایله اولان مناسباتی اخلال ایتک ایستمدیکندن - غایت خفی صورتده بوزیک اکو [۱] « Ecus » اغانه ویردیکی کبی پاپا ، طوسقانه و مالطه حکومتلری طرفندن ده یکرمی قطعه قدرغه کوندرلمکه اکتفا ایلدی .

(۱) اوروپا حکومتلرینک بعضیلرنده وقتیلله مستعمل بر سکه اولوب فرانسده تداول ایده تک قیمتی تقریباً یدی بیچق غروش ایدی .

بوارالق قورون سکاندن
قره بتاق بك شویله بر دور
یا یق اوزره قره سیله دکزه
آجیلوب تصادف ایلدیکی
بر کرید فرقه سنی ضبط
و تسخیر و طائفه سی ایله برابر
حضور سرداره کتیرمش
و مظهر مکافات اولمشدی .



فاضل احمد پاشانک تره سی (۲)

ربیع الاخرک اوچجی
کونی دونما (آوارین) (۱)
لیمانه متوجها ترمشدن
حرکت ایله رک بنفشه ساحلی

اچیلر نده سرت بر فورط نه به طوتلایغندن کیلرک بر جوغی لیمانه کیردیسده
روزکار ک شدنه بناء شیفه و بور تونلرک بر قسمی مانیار ونه طوغری ایلر یلدیلر .

[۱] (ناوارین) قصبه واسکله سنک نام دیکری اولوب کریدک فحی ایچون دوخاسرک
بولمانده اجتماعدن تقریباً ایکی عصر صکره (۱۱:۳) روم عصیان همنکامنده ینه اورایه
طوپانمش اولان عثمانلی دونماسنی روسیه ، فرانسه ، انکارته دول متفقه سنک دونمالری
یاقش ، محور ایتمشدن . قصبه مورنه ک جهت جنوبیه سنده واقعدر .

(۲) دیوان یولنده معارف نظارتک قارشوسنده غنوده خاک فنا اولان بولنده همت وزیرک تره سی
مع التأسف امثال عدیده سی کبی پک متروک و خراب بر حالده در . بوکون کرید دبه ترتر دینوب طور یکن
بزه بر اطعی قرائدیران ذاتی دوشونمور ، آنک خاطره سی اعزاز ایلمور ، حرفدخی ، اوکندن کچرکن
نظر منزله اولسون بر دفعه زیارت ایچوروز . بلکه استاتر اولیلردن پک چوغی مقبرندن یبله بیخردلر
عثمانلیلرک تمالی شوکت و اقبال ک چالشمش رجال منسیه سنک ، باخصوص بزیمتادیا بیضورایدن کرید
مسئله سنه لایعوت بر خاطره ایله مربوط بویله محترم بر وزیرک تره سنه قارشو کوستریلان لایقیدی
هم اهالی ، همده حکومت ایچون طوغریسی جیادی تأسف و تله قدر .

کرید
دونمادن آیری دوشن سفان قیودانلری ، بو افتراقدن مضطرب ایکن
وندیکدن کریده کیتیکده اولان مهمات یوکلی برسفینه به تصادف و بونی
درحال ضبط ایلدیلر . طقوز کون صکره ده آوارینه عودته موفق اولدیلر .
مقدما جزایر ، تونس و طرابلس غرب او جاقلرینه باروت بهاسی اوله رق
اون ایکی بیگ التون تدارک ایتملری و ایلیک بهارده عسکرلری و کیملری ایله
کلوب دونمایه ملحق اولملری فرمان اولمش ایدی . تونس و طرابلس میرمیرانی
عبدالرحمن پاشا سکر قطعه قالیون ایله آوارینده دونمای عثمانی به التحاق
ایلدی .



کریده !..

ربیع الاخرک یکر می بشنه قدر آوارین (ناوارین) لیمانده تدارکات مقتضیه
اجرا قلندقدن صکره حرکت امری ویرلیدی . هرکس مالطیه کیتیک ایچون
انکینه آجیلنه جنی زعمنده ایدی . صوگ ساعتده امر او قیودانلر نزد
سرداره دعوت اوله رق مشهور قبالی مکتوب آچلیدی و مضمونی علناً قرائت
ایدیلرک کریده عزیم سفر ایدیله چکی آ کلاشلدی . بوسر خفی به واقف
اولان امر کمال شوق و شادی ایله کریده طوغری یول ویردیلر . یوز
بیکی متجاوز عثمانلینک آغزندن (کریده ، کریده) صدالری چیقیوردی .
صانکه طبیعت دخی بوغازیلرک قیلر نده کی عزیم و متاتی تأیید ایتمک ایستر
ایمش کبی غایت موافق بر روزکار اسمکده ایدی . بر صورتده که هیچ برکمی
محافظه ایتمدیکی موقعندن آریلمور ، دونما ، دکزک یوزینه اینمش و واسع
بر ساحه اوزرینه سرلمش آق بلوطلر کبی مجتمعا و منتظماً قطع مسافه

ایلیور ایدی . حرکتک دردنجی کونی کرید ساحلنده قلیج برونی طولا . شیله رق حانیه قلعہسی قربنده و کرید ایله طودوری اطہسی آرمسندہ دیر آتدی . درحال روم ایلی بکلر بکی کوچک حسن باشا ایالتی عسکری ایله و یکچیری کتخداسی مراد اغا و صمصونی باشی ابراهیم اغا یکچریلر واسطہسایله قرہیہ مهمات لازمه چیقاردیلر . بونلر حانیہ قلعہسناک محاصرہسنہ مأمور اولدقلرندن اقسام اوستی حرکتله پلاطانیہچایی کنارینه مواصلت ایلدیلر .



قواله لی محمد علی پانا زاده
ابراهیم پاشا

یوان فترتده ظهورایدن اختلالی
تسکینه مأمور اولمش و وظیفه
تأدیجی بحق ایفا ایشدر .
کرینده خدمتی بیوکر

ایطودوری اطہسندہ ایکی مستحکم قلعہ و قلعہلرده مقدار کافی محافظ بولنیورایدی . دونمانک سلامتی ایچون سردار اکرم بوقلعہلرک فتحی الزم عد ایدرک عینی کونده آمانیہ میرلواسی احمد پاشا ، ترحالہ بکی احمد بک ، سردن کچدی اغالری . تونس و طرابلس غرب عسکرندن و یکچریلردن مقدار کافی اطہیہ چیقاریله رق ایرتسی کون محاصرہیہ باشلانندی . محافظلر یوقاریکی قلعہدن قاچهرق اشاغیکی قلعہیہ طویلاشمشیر ایدی . قرہیہ طوپده چیقارلمش و آتسه باشلامش اولدیغندن محصورلر درحال تسلیم اشارتی ویردیلر . فقط عساکر عثمانیہ قلعہیہ یاقلاشجه وندیکلیر اولدن مستخضر برلغہ آتشن ویرمک صورتیله ایچه تلفاتی موجب اولدیلر . بونک اوزرینه شدت و دهشتله دیوارلر اوزرینه هپ بردن هجوم و صولت

کرید
اوله رق او متین قلعہ درت ساعتده ید تسخیره کچیرلدی و دونمانک حال و موقعی تحت تأمینہ آلدی .

TÜV İSAM
Kütüphanesi Arşivi
No ZE. 1084



حانیہنک محاصرہسی وضبطی

حانیہنک محاصرہسنہ مأمور اولان حسن پاشا ، قرہ مراد اغا ایله معیتلری قرہ طرفندن مواقع مناسبی طومتق اوزره ساحله چیققلرینک ایرتسی کونی ده یوللرینه دوام ایله (قلادیسو) چایی کنارنده افراد اووهلره یاییله رق برچوق اشیا اغتنام ایتدیلر ویریلردن برقاچ کشی طوته رق حضور سرداره کتیردیلر . « مقصد هیچ کیمسه یه ضرر ایراث ایتمکسزین قلعہنک ضبطی اولدیغی ، یریلرک هیچ برصورتله تجاوز کورمیه چکی » بیانی ایله سردار اسیرلری مطیباً اعاده ایلدیکندن بو کیفیت بین الاہالی حسن تأثیری موجب اوله رق محاصرہ دوام ایتدیکی مدیجہ کریدیلرک امنیت ایله عسکر نزدیکه کلوب کیتملرینه و ما کولات و مشروبات تدارکی صورتیله معاونت ایتملرینه وسیله اولدی .

ایطودوری اطہسندہ کی قلعہلر ضبط اولنوب دونمانک امنیتی تأمین قلندقدن صکره ربیع الآخرک صوکنجی بازار کونی سردار اکرم قرہیہ چیقوب قلعہ قارشیسندہ ترتیب ایدیلان سایباندہ اخذ موقع ایتدیکی کبی جوارینه ده دیکر امر ایچون چادرلر قورلدی . اردو طوپوخانه مقابلنده اخذ موضع ایلمش وهان محاصرہیہ باشلانمش ایدی . مملکتہ حاکم اولان (قسطنطین کلیسای) تپہسندہ مترسیر ترتیب اولندی . بوتپده روم ایلی بکلر بکی حسن پاشا

صاغ وصول قول آلاي بکاري و آلاجه حصار، اولونيه، ايلبضان سنجاق بکاري ايله اداره سي آلتنده يکچيري عسکري ویدی طوپ بولنان يکچيري کتخداسی مراد اغا مجتمع بولنيورلردی. صاغ طرفده تر حاله، کوستندیل و اسکندريه بکاري ايله خاصکی علی اغا و بعض يکچيري افرا دی درت طوپ ايله، صول طرفده ساحله يقين يانيه، اسکوب، سلانیک، اوخري، و وچترين بکاري و نفراتی ايله صمصوچي باشی ابراهيم متريسه کيروب آلتی طوپ تعبيه ايتديلر.

سوده ليما نی طرفدن قلعه يه امداد کله سي ملحوظ اولديغندن او طرفی سد و محافظه يه دو قه کين ميرلوا سي، سردن کچدی اغالری، تونس دلاورلری مأمور اولدی.

جماذ اولی نك دردنجی و حزرانك اون يدنجی صالی کونی قلعه دو کله که باشلاندى. سردار اکرم متريسلری طولاشه رق اجراي تشويقات و اعطای تعليمات ايلبور ایدی. فقط بالجر به متريسلرک موقعلری مناسبتسز اولديغی ا کلاشلديغندن محاصره نك اوچنجی کونی بوبابده تبديلات اجرا ايديله رک احمد پاشا قوماندانسته کی اناطولی عسکری ایکی طوپ ايله روم ایل متريسلرينه، و قره مان عسکری ده ایکی طوپ ايله صمصوچي قولنه الحاق اولنديغی کبی بوز او بویک بکی ده سنجانغی عسکری ايله قره غوله تعیین ایلدی. بوضورتله باشلايان طوپ آتشنه قلعه دن ده شدتله مقابله ايدیلیور، طرفیندن خیلی تلفات وقوع بولیور ایدی. محاصرلر لغم آچغه باشلادیلر. سردار اکرم دشمنك طوپنه، تفنگنه اهمیت ویرمیه رک اردو مرکزینی تام قلعه نك قار- شيسنده کی طوپخانه ته سته نقل ایلدی. بو ائنده سوده ليما ننده بولنان و نديک کيلرندن چيقان بيک قدر عسکر قره دن کلوب آرقه دن عثمانلی عسکرينه

کرید
هجوم ایتش فقط دو قه کين بکی علی بك ايله سردن کچدی عسکرندن اوچ یوز قدر نفر طرفدن مقابله کوره رک منزم و پریشان بر حاله کیرویه پوسکور تلمش ایدی.


محاصره نك بشنجی کونی، قره مراد اغانك نظارت و اقداسی آلتنده ایلر بیلکده اولان متريسلری ترتیه مأمور عثمانلیر اوزرینه قلعه دن چيقان قرق قدر فدایي هجوم ایدره رک معتمد قره چاوش ايله اوچ درت کشی بی شهید ایلدیلر. ایرتسی کون یوز قدر و نديکلی عین صورته هجومی تکرار ايتديلر. سوده بودفعه مراد اغا ايله معیتنده کی کزیده بهادرلر، دشمنك حالنی مترصد بولنديغندن، تام صره سنده مقابله ایدره رک فدایيلرک قسم کليسی تلف ایلدیلر. بوندن صکره و نديکلیلر بر دها قلعه دن طیشاری چيتمق جرأتی کوستره. مدیلر. محاصره نك آلتنجی کونی طرابلس و مصر دن خیلی عسکر و مهمات حربیه يتشوب مصر عسکری سوده ليما نی بوغازنده بوضوده قره غول بکلمکه تعیین اولندی. حایه نك حصر تضيقنی قنديه ده مقیم و نديکلی کرید والیسی خبر آیر آلاماز در حال کتخداسنی بش یوز نفر ايله سوده ليما نه کوندردی. بو قوت اورادنده درت یوز کشی آله رق صحیح کذب وقتنده قلعه يه کيرمک ایتستیلر سوده قره غوله بولنان بش یوز قرق عثمانلی عسکری طرفدن قارشیلانهرق بر ساعت قدر جنک ایلدکدن صکره هيچ بری قلعه يه کيرمکه موفق اوله میهرق طاغله فرار ايله پریشان اولدیلر.

محاصره هر کون متزايد بر تضيق ايله اجرا ايدیلیور، طرفیندن دخی اقدامات فدا کارانه مشهود اولیوردی. و نديکلیلرک عسا کر عثمانیه يي بر هوا ایتک ایچون طرف طرف لغملر حفر ایتمکه اولدق لرينك فرقه وار بلهرق

سید کرید
بری طرفه دخی بوا ایشه اهمیت مخصوصه عطف اولندی و استاد (بیلدارلر) ایله ماهر لغز نلر تعین ایلدی .

جاندی الاولی نك اون طقوزنجی و محاصره نك اون بدنجی پنچشنبه کونی

اطهیه جزایر عسکری
ایله طولی یکر می قطعه
حرب کمیسی کلمکله
عساگر عثمانیه قره ده کی
و دونماده کی طویلره
بردن آتش و یرمک
صورتیله، بویکی سلاح
آرقداشیرینی سلاملا-
دیلر و کال بشارتله
استقبال ایلدیلر. نه پایه-
چقلمی شاشیرمش
اولان و ندیکلیلرده قلعه-
نک بتون طو پلرینی
آتشلیه رك ولوله سلام
و احترامه عین صورتله
اشترک ایلشیردی .



رسموده آرقادیا کلباسی

۱۸۶۶ اختلالنده اشقیانک صوک اختفا کاهی اولان بوکایسا
احراق و تخریب و حاصلر استیصال ایلدکن صکره اختلال منطق
اولشدر . کرید فجا یمنک بر شمال متجیری کبی یوکسلن بو بنا ایوم
تعمیر ایلشدر .

سوده طرفنک محافظه سنه مأمور ایدیلان بویکی عسکر قلعه ده کی محصورینک
کوزلری اوکندن آلا ییله کچرک موقعلرینی طوتدیلر . سوده طرفی

(۱) حال حاضرک قازمه چی استکام افرادی مقابلدیلر .

سید کرید
بوصورتله تحت امنیته آلدنقدن صکره مقدا اورایه برلشدرلمش اولونیه بکی
مصطفی بک و عسکری قلعه پیشنه آلنهرق خاصکی علی افانک قولنه کچیرلدی .
سابق اوخری بکی احمد بک (بر پیرجنک آزما ایدی) درت طوپ ایله سوده
طرفنده قیوسمتندن محاصره یه و پرزرین بکی محمد بک ایله اسکندریه آلا یی
بکی سپاهی لریله و صاروخان، قسطنیونی و آقسرای عسکری طوپلر خدمتته
و متریس لر محافظه سنه نقل اولندیلر .

تعدیلات اتمام ایلدکن صکره طایبه لرک سورلمسنه اقدام اولندی . آز
زمانده خندق کنارینه قدر واریلهرق صاغ و صوله قله کبی ایکی طایبه انشا
و ایچلرینه یکچیری . سکبان و روم ایلی تفنک اندازلری اقامه ایلدی . بونلر
قلعه ده باش کوسترن محصورین اوزرینه قورشون یاغدیر لرلردی .

بو طایبه لر دن امان بوله میان و ندیکلیلر، تحت الارض لغم قازهرق آلتنه قدر
کلمک و آنلری باروت ایله بر هوا ایتکه قالقشیدیلر سده حربک بتون احتمالاتی
دریش ایدن عثمانیلر ده بالمقابله یر آلتدن و دشمنک تعقیب ایتدیکی استقامتمده
لغملر حفری ایله ایلر یلکه قویولدیلر . بر کچه ایکی طرفک لغمجیلری قارشوی
قارشوی یه کللی و یردی . عثمانلی لغمجیلری و ندیکلیلرک اوزرینه آتیلهرق بونلری
فراره اجبار و آلات و ادواتلری ضبط ایتدیلر . محاصره نك یکر می برنجی کونی
قدیده دن قلعه یه امداد اولمق اوزره بحر آکلوب طوزله یه چیقان و اورادن
قلعه یه طوغری کیتک ایستیان بش یوز کشی براز محاربه دن صکره منهنزما
قاجدقلمی و جان قورقوسیله اوتیه بری یه طاغلدقلمی صره ده بعضیسی ده
دکزه دو کیلوب مغروقاً تلف اولدیلر .

قره غولده بولنان عسکر امداده کلن و ندیکلیلر ایله اوغرا شتمده ایکن

کرید
 علی الصباح قلعه دن بر طاقم زرھلی سواری پیاده نك قلعه قپوسی اوکنه چیقہرق
 صنبسته طور دقلری ، متریسلر ده بولنان محاصرلرک مشهودی اولمسیله قلعه یه
 آتلق اوزره کیچهدن حاضر لائمش اولان طوپلر اوزر لرینه چوریلهرک بر
 خیلیمی اتلاف ایدلدی . بر قسمی ده منہزما قلعه یه فرار ایددی ، بوز اون
 قدری ده اسیر آندی . عثمانلینک هجومندن داما اندیشه ناک اولان ونديک
 حکومتی حانیہ قلعه سنی محاربه یه حاضر اوله جق وجهله تحکیم ایچون اولجه بر
 استاد ماهر کوندرمش وبو آدم خندقدن طیشاری بر طوپراق طابیه انشا
 ایتمش ایدی . بو طابیه ، قلعه یه طابیه لر یاپهرق یاقلاشمق ایسته ین عثمانلی عسار
 کرینی یاندن اهمیتلی صورتده ازعاج ایدمکلدیکندن سردار اکرم داما افرادی
 اورایی اشغاله سوق و تشویق ایدردی . طیشاریدن کلن امداد جیلرله
 قلعه دن چیقماق ایستین زرھلیلرک پریشان ایدلدیکی کون اوکله ایله ایکندی
 آرسنده یکچیری سردن کچدیلرندن بر قاج بهادر بو طابیه یه هجوم ایله بر تصادفدن
 بالاستفاده انی بلا مقاومت ضبط ایتمشلردی .

حادثه نك قلعه یه و محاصره اردوسنه عکس ایتمه سنی متعاقب محاربه باشلادیغندن
 جوارده بولنان اولونیه عسکری ایله دیگر سردن کچدیلرله طابیه یه کیرمه
 موفق اولمش ؛ فقط موقع ، آرقه سی آچیق بولنمق سببیه تحصنه الوریشلی
 اولمادیغندن بالضروره اوراده نه بولدیلرسه آلوب اختیار رجعت ایتمشلردر .
 یوحادثه ده سابق حسنکیف بکی آناود یعقوب بک ایله خیلی بهادرلر شهید
 و اولونیه آلائی بکی ایله برچوق عسکر مجروح دوشمش ایدی .

جمادی الاولی نك یکریمی بشنجی و محاصره نك یکریمی برنجی کونی طرف
 پادشاهینن سردار اکرمه مرصع بر قلنج و ایکی زربفت سمور خلعت ایله

کرید
 برقلعه خط هایون ورود ایتمش بر موجب تشریفات وزرا و امرا دیوانده
 حاضر اولدقلری حالدہ قرائت اولمشدی .

التفات و تقدیرات پادشاهینن شادمان اولان اوردو ارکانی اوکون عقد
 انجمن مشورت ایلمه رک دور و دراز مذاکر اتدن صکره قلعه خندقک بأی حال
 اله کچیرلمسی ایچون بلا آرام محاربه ایدلمسینه قرار ویردیلر . اوزمانه قدر
 طوپراق سورهرک و طابیه اعمال ایدمک خندقک
 کنارینه قدر وارلمش ایدی . خندق غایت جسم
 اولدیغندن نه قدر فداکارلق ایدلمسه طوپراق ایله
 طولدیلمسی ینه وقته محتاج ایدی . حالبوکه امر
 محاصره اوزادقچه قلعه یه دکزدن امداد گلمی
 ممکن و قریب الورود اولان موسم شتاده ایسه
 عثمانلی دونماسنک آباطودوری پیشکاهنده
 بارغمی مشکل ایدی .



احمد شاکر پاشا

کریدک مادروضنه مربوطتمی تقویه یه
 چابیشان جمیتلی رجا لزدن بری

انخاذ قرار ایدلدیکی کون روم ایلی بکلربیکی
 حسن پاشا ایله قره مراد اغا وقت ظهرده محصور
 دینک خندق کنارینه و عثمانلی طابیه سی آلتنه قدر کتیر دکلری یولی باصدیلر .
 شدید بر محاربه نتیجه سنده هم او یولی . هم خندق الده ایتدیلر . افراد عثمانیه یی
 اورادن چیقارمق ایچون قلعه دن کولله ، قورشون . خمبره ، طاش یاغدیردی
 ایسده هیچ فائده سی اولدی .

خندق اله کچدکن صکره دشمن طرفندن لغم آتیله بیلمک احتمالی
 قالمدیغندن محاصرلر طوپراق سورمه ک باشلادیلر . فقط محصورلرک

کرید شدتلی آتشی عثمانلیله طابیه اوزرنده باش کوسترمه که مجال بر اقیوردی . نهایت طوغریدن طوغری به قلمه به بر طوپراق کوپری انشاسی صورتنه قرار ویرلدی .

خندق طیش دیوارندن قلعہ دیوارینه قدر سیت ، چوال و طور به دن ایکی محکم سپر یاییله جق ، بونک آرمسی بورویشه مدار اولق اوزره طوپراق ایله طولدیریله جق ایدی .

قلعه کنارنده کی طابیه به ایکی بیوک مازغال آچیله رق خندق سلامتی بسبتون تأمین ایدلکدن صکره کوپرینک انشاسنه ابدار و آرزمانده اکلنه موفق اولندی . شو واسطه اتصال پیدا ایدیلجه قلعہ دیوارینی دلمکه تشبث ایدیلر . برقاچ کون طرفنده بواصر مشکل ده ایفا اولنهرق قلعهنک طوپراق قسمته یتیشلدی . بوتون بو عملیات دوام ایدرکن ونیدیکلیلر عساکر عثمانیه اوزرینه نفتلی پچاوره لرله ، خمبره لرله آتشی یاغدیردیلر . کوپرینک طرفینده کی سپرلر متمادی طو تشدیریلدیغدن بونی علی الدوام سوندیرمک بک مزعج و مهلاک برغاله اولیوردی .

بوارالق برقاچ سفینه ایله بر مقدار ونیدیک عسکری امداده کلوب کجه لین قلعه به کرمکه موفق اولدقلرندن محصورین مدافعه ده کی شدت فداکارانه لرینی تشدید ایدیلر .

محاصره نک اوتوز دردیجی اقشامی روم ابلی بکلیرکی حسن پاشا سیه عملیاتی یاپدیرمه حاضر لانیکن محصورینک شدتلی آتشنه معروض قاهررق عثمانلیلردن بک چوق شهید و مجروح دوشدی . اسکوب میرلواسی علی بک ایله بوقحک مورخی پیری پاشازاده فخری بک ده مجروحین میاننده ایدی .

کرید محصورین قلعہ دیوارنده آچیلان رخنه لریده بولوب قیادقلرندن ، مشکلات آرتدیجه آرمش ایدی . مع مافیه بورویش محلی طوپراق طولی چوال وزیتون اغاجی ایله خیلی یوکسلمش اولدیغدن قلعهن کپری قالان قسمک طوپ ایله ایندیریلمنه قرار ویرلدی ، و محل معینک مقابلنه یرلشدیریلن بش طوپ ایله علی الصباح قلعہ شدتله دوکلمکه باشلاندى . مدهش کون ! ...

عثمانلیلر قلعه یی طوپ ایله دوکلمکه دوام ایله برابر اسرآنک تنسیبی اوزرینه بیوک متریس دنیلن موقع اوکننده کی بیوک برج آلتنه یوز الی قنطار باروتلق برلغ احضار ایدیلهرک کشف و ابطال اولنور قورقوسیه محاصره نک قرق برنجی کونی اوکله اوزری هان آتشی ویرلدی .

برج تا کوکندن کثیف دومان طبقه سی ایچنده نابود اولمش ، انقاضی بک اوزاقلره قدر فیلامشیدی . اشتعالک دهشتناک طراقه سنه و صدمه نک موجب اولدینی محوف صارصندی به باقلسه شهر یرک دینه کچور ظن ایدیلوردی . بر آفت غیبیه عارض اولدی وهمیله محصورین نه به اوغرادقلرینی شاشیرمشلر ، جمله سی جان قورقوسیه دکز کنارینه دوکلمشلردی .

لنمک آتیه جغندن عساکر عثمانیه به خبر ویرلماش اولدقندن بشقه هیچ کیمسه نک یرندن قیلدامامسی ایچون بالخاصه تنیهات اجرا قلنمش ایدی . اشتعالک سرینتیلری ایله محصوریندن برخیلیسی تلف اولدینی کی برقاچ یوزده عسکر اسلام شهید دوشدی .

اوکلرنده نا کهانی آچیلان بیوک بررخه کوریر کورمز عثمانلی عسکرندن بر قسمی ، ویریلن امری ده اونوده رق ، قلعه به یورودیلر . دیوارلرده ، برجلرده

کرید
 کیمسه لر بوق ایدی. مهاجر البسه و هماته دأر اللرینه کچیره بیلدکلی اشیا بی
 آلدیلر، کندیلرینی طویلامغه موفق اولان محصورین مدافعهیه شتاب ایتمش
 و محاصرلرک قلعه خار چند بولنان دیکر قسمی آلدقلی امره تبعاً ایچرییه
 یورومامش اولدقنندن قلعهیه آتیلانلر، برآز محاربه دن صکره متریسلرینه
 دوغمکده ناچار قالدیلر. بومقالله ده
 پرزرین آلائی بکی محمد بک قافله شهاده
 التحاق ایلدی. محاصره نک قرق
 ایکنجی کونی کچهلین محصورین طوتشد
 یرلمش زفتلی تحتله فرلاته رق خندقده کی
 سیتله آتش ویردیلر سه ده عثمانیلرک
 غیرت واقدا می ایله اطفا ی حریق ممکن
 اولدی.



۱۳۱۲ اختلالی فجایمندن

استیه قتل عامنده جانی قورتارمق ایچون
 قاجارکن وحشی خرسیتیانلر طرفندن قوی
 پارچه لشمش وبالاخره قطعه لزوم کورلمش اولان
 اون یا شنده برقر ۱۱

ایرتسی صباح که جمادی الآخره نک
 اون یدسی و محاصره نک قرق بشنجی
 کونی ایدی، صباح نمازندن صکره
 خندقده اولان بش طوپه بردن آتش
 ویریله رک هر قولدن یورویش اجراسی
 امر اولمش ایکن اصلسه طوپلر برر برر آتدیغندن قرار محصورینک
 معلومی اولمش و مدافعهیه درحال توسل ایدلمشدر.

مع مافیه محاصرلر هجومه هر طرفدن ینسه ابتدار ایتدکلرندن حانیسه

(۱) اصلی صاری کاغده مطبوع اولدیغندن قلیشه بوزوق چیقمشدر.

کرید
 برچلرنده درت ساعتدن فضله برمدت دنیانک اک مدهش محاربه لرندن بری
 وقوعه کلدی. دوغماندن ده صندالدرله بوهجومه اشتراک ایدلمک ایسته نلدی
 ایسه ده مخالفت هوا بوکا امکان بر اقدی. عثمانیلرک صولت دلیرانه سی، کرک
 قلعه نک متاتی، کرک محصورینک مدافعه ده کی ثبات وغیرتی حسیبله نتیجه
 خیریه به منجر اوله مدی. ارباب تیمار ویکچیری وپاشا واغالر داخل اولدیغنی
 حالده عثمانیلر بیکی متجاوز تلفات ویردیلر. روم ایلی بکلر بکی حسن پاشا
 ایله قره مراد اغاده طاش ضربه سیله مجروح دو شمشلردی. محاربه نک ایرتسی
 کونی عسکر، ذخیره و خزینه امدادی رجاسیله کیفیت رکاب هاپونه عرض اولنق
 اوزره اسرای بحریه دن شعبان بک چکدیر مه سیله استانبوله کوندرلدی. (۱)

موفقیتمنزلکله نتیجه لئن بوهجوم عمومیدن صکره عسکرده ذره قدر فتور
 اماره سی مشاهده اولنموب بالعکس دها زیاده شدت وصولته تدابیر و تدارکاته
 توسل ایدلدی. جزایر قولنده بنا اولنان طانیه دن شهر داخلنده کی اولر
 اوزرینه آتیلان کولله لر عظیم تلاش و فریادی موجب اولیوردی. قلعه نک
 بدندن رقصتی یقیمق عاقبت ممکن اولمشدی. عسا کر عثمانیه هان دیکر بریوک
 برج آلتنده لغ حاضرلدیلر. برهفته صکره یعنی محاصره نک اللی ایکنجی کونی

(۱) بو خبر واصل سمع پادشاهی اولسی اوزرینه وان طرفندن کن احمد پاشا و سکیبان
 باشی حین اغا موریه کیده رنه التي بلوک خلقندن و یکچیریدن اوراده اولانلرله محاربه
 فظه ده بولمهلری و قره مان بکلری کلیدولیدن کچوب بنفشه اسکله سینه عزیمتله کریده
 سردار اکرمک امر واراده سنه منظر قالمه لری فرمان اولندی. یکچیریدن ایکی بیک
 نفر جدید درت قطعه قالیون ایله کوندرلدیکی کبی پی در پی بورتونلرله ججهانه و ذخیره دخی
 ارسال اولندی. نقطه چوق کچمه دن فتح و ظفر نصیب اولمغه بنفشه به عزیمتله سردارک اسرینه
 انتظار ایله لری اراد. اولنان احمد پاشا و سکیبان باتنی به بالا خرمه عودت ایتهلری امری ویرلدی.

محاصر لر یرلرنده اخذ موقع ایتدکلری برصره ده لغمه آتش ویرلدی . برج ایله برابر اوستنده بولنان یوزقدر وندیکلکی برهوا اولمشدی . اشتعالک عقبنده ایکنجی هجوم اجرا ایدیلرک قلعهنک برج و بارولرینه عثمانلی بایراقلری دیکلدی . دیگر طرفدن صمصوئجی باشی ابراهیم اغا قولنده اولان روم ایلی و اناتولی عسکری و یکچیری سردنکیچدیلری بیوک اغم کدیکنندن کیروب او طرفی اشغال ایدیلر . محصورین مدافعهده دوام ایله ایچ طرفده کی ارسالن طایبه سنه چکلدیلر . اورادن لاینقطع آتدقلری طوپ و تفنک دانهلری ایله مهاجملره کلی ضرر ایقاع ایدیلر . بونکله برابر عساکر عثمانیه بلا فتور بو طایبه ده دخی هجوم ایدرک قیوسنه قدر ایلریدیلر سهده قپولری محکم اولدیغندن آجه مبهرق عودته مجبور قالدیلر . قلعه ضبط اولنه لی بر ساعتدن فضله اولمش ایکن ایچ قلعهنک ضبط ایدیله مامسی سببیه خندقه رجعت ایدلمش ایدی . بو محاربهده اصرا و افراددن پک چوغنی شهید و مجروح اولدیغندن آرتق محاصره یه دوام اولمیه جغنی ظن ایدلمش ایکن سردارک ، شهیدلرک یرینه دیکرلرینی ویا اقربالرینی تعیین ایدرک نظامی اعاده و ترتیبی ا کمالدن صکره ، تشویق آمیز اقوال و افعالی ایله جمله بی تشجیع ایلسی افکار و حسنیاتک تبدلنه سبب اولدی .

دردت کون فاصله ایله اوچنجی بر هجوم اجرایی تخمین اولمش ایکن ایکی کون صکره یعنی محاصره نکللی دردنجی جمعه ایرتسی کونی محصو - رینک طاول چالهرق یوروش محلی اولان کدکه کلدکلری کورولنجه ، عساکر عثمانیه درحال حربه حاضر لاندی . حال بوکه محصورین قلعه دیوارنده کی قرمنی و سیاه بایراقلری قالدیرهرق یرینه بیاض بر سنجاق دیکدیلر . تلفات ویرمکه

محصورینک حالی محاصریندن اشاغی اولدیغندن آرتق امیدلری منقطع اولمش ، بعض شرائط داخلنده قلعه بی تسلیم ایتک و امان دیله مکدن بشقه چاره لری قالمش ایدی . ایچلرندن ایکی کشتی نزد سرداره کلهرک مقصدی ایضاح ایتدیلر . اولاهانیه دن کیده جک اولان وند - یکلیلرک مال و جانلرینه خلل کلمه سی ، ثانیاً شهرده قاله جق روملرک مال و عیال و خانه لرینک تعرضدن مصون قالمسی شرط تسلیم اوله رق درمیان ایدیلوردی . سردار اکرم ، قلعه حر باده فتح اولنسه مروت عثمانیه نکل یاه جغنی معامله نکل ذاتاً بشقه درلو اوله - میه جغنی بیان ایله اوامر لازمه بی تسطیر و اعطا و کلانلره فاخر خلعتلر کیدیره رک اعاده ایلدی .



۱۳۱۲ اخنلالی فحایغندن

استیه قتل عامنده ماشی و آیانلری پارچه لتهرق وحشیانه برصورتده اتلاف ایدیلان سکر یا شنده : اسلام چوغنی (۱)

محصورین بو معامله دن ممنون اوله رق بازار و بازار ایرتسی کونلری اموال و اشیا لرینی اوچ قدرغه وایکی پورتونه تحمیل ایتدیلر و ایرتسی صالحی کونی ذکور و اناث کیلره بینوب کیتدکلری کبی بیق قدر نفوس ده جزا یریلر قولی اوکندن صف صف کچرک طوزله طریقله سودیه متوجه اولدیلر .

(۱) اصلی صری کاغده مطبوع اولدیغندن قلیشه بوزوق چیتیمشدر .

کرید
 ۱۰۵۵ سنه سی ، محاصره نك اللی یدنجی و جهادی الآخره نك یکرمی
 طقوزنجی کونی عسا کر عثمانیه شهره داخل اولیوردی . قلعه نك برجلرند
 او قونان اذان محمدی ، تموجات لطیفه ایله اوج علیهنه قدر یوکسلهرك ارواح
 شهیدایه پیام ظفری تبشیر ایلدی .

کرك حانیهدن چقبوب کیدنلر و کرك شهرده قالانلر حقنده احکام امن
 و امانك حرفی حرفنه تطبیق واجراسنه اعتنا کوسترلدی . ۱۱



حانیه نك فتحندن قندیه نك محاصره سنه قدر :

حانیه نك فتحندن قندیه نك فاضل احمد پاشا اداره سننده کی اردوی
 عثمانی ایله محاصره سنه قدر کچن یکرمی برسنه ظرفنده کی وقوعاتی تفصیله
 اثرمنك قطعه سی مساعد اولدیغندن اجماله مجبور اولیورز .

فتحك هفته سننده غرابوسه لیمانه کلیش اولان ونديك دونماسیله
 مالطه ، دوقه ، فرانسه ، پایا واسپانیا سفینه لری بوز قطعه دن زیاده
 اولدقلمری حالده حانیه قلعه سی قارشیسندن کچهرك سوده لیمانه داخل

۱۱ فتح تاریخلری :

سپاه رومه صوردم فتحنی اول دم

دبیلر فتحه (تاریخ غزاسر) ۱۰۵۵

بیری پاشا زاده حسین فخری بك

بارك الله نصرایزد ، جبدا فتح جدید

کیم اولور طومار وصفی طالمه تمویز جان

لفظا ومعنا بوقحه اولدی تاریخ مزین

حرب ایله بیک اللی بشده قلعه آلدی همان

مورخ شاح المنار زاده

کرید
 اولدیلر . بو اتحاد ، حانیه نك محاصره سی خبری اوزرینه بعض سواحل
 عثمانیه ایراث خسار مقصدی ایله وقوع بولمش ایسه ده منفقلم نیتلرینی
 اجرایه جرأت ایده مدکلری کبی ، حانیه ده کی دونم ایله ده حربه فرصتیاب
 اوله مدیلر . ذاتاً ذخیره لری توکشمش ومختلف ملتلر امراسی آره سنه تفرقه
 ونفاقده دوشمش اولدیغندن برر برر کیملرینی آلوب صاوشدیلر .

یوقاریده یازلمش اولدیغی اوزره ، مقدا درسمعادتن امداد اوله رق
 کریده کوندربلن ایکی بیک یکچیری نی حامل اوج کمی هوانك عدم مساعده
 سنه مبنی دکرم نك اطه سی لیمانه دمیر آتمش ایدی .


ونديك دونماسی کیفیتدن خبردار اوله رق قوه معاونه نی آسزین
 باصوب محواتمك اوزره سوده دن حرکت ایلدی . عثمانلی سفینه لری ده
 کریده کیتمك اوزره لیماندن چیقمقده بولنیورلردی .

اوانساده ظهور ایدن بر قاصیرغه ونديك سفانندن ایکی قدرغه نی
 باطردیسه ده هوا کسب سکونت ایدنجه دشمن سفانی عثمانلی کیملرینك
 اطرافنی قوشاتوب هر طرفدن طوب آتمغه باشلا دیلر . بونلردن ایکسی
 ونديکلیره خسارات کلیه ایقاع ایدهرك خط محاصره نی یاروب چیقه بیلدی
 ایسه ده ، یلکنی ایله برابر دیرکی دکرزه اوچان اوچنجیسی قورتلق امکانی

قالدیغنی کورنجه عار تسلیمی قبول ایتیهرك برکون برکیجه دشمنك قوه
 مجموعه سنیه محاربه دن فارغ اولدی . نهایت ایچنده برحیات بالکوز برقاچ کشی
 قالدیغنی حالده سنجانغ نك شرفنی ، عثمانلیغك شان علویتنی محافظه واعلا
 ایدهرك غرق و نابود اولوب کیتدی .

انخذ انتقام ایچون سردار اکرم ، دونمایی معینه آله رق ونديکلیری

کرید
 آرادی ایسهده بولهمدی . ذاتاً قیشده تقرب ایتمکده اولوب ، سردار
 اکر مک حانییهی قیچندن عبارت اولان وظیفهسی حسن صورت وموقفیت
 ایله نهایت بولمش اولدیغندن قلعه محافظلغنه روم ایلی بکلر بکی حسن پاشا
 مقدار کافی عسکر ایله تعیین ایدیلهرک رمضان ابتداسنده دونما حانیهدن
 مفارقت ایلدی . وموافق بر روز کار یله آغریبوز اطهسنده کی قزلحصاره
 چکلدی . اورادن هرکسه ، کندی ولایتنه عودت ایتمک اوزره اذن



۱۳۱۲ اختلالی فجایعندن

بو بیچاره ، قاقوپهراکی شعبان اغانک زوجیهسی اولوب غرستیمه نلر سارا کیناده بیوک کوچک . قادین
 ارکک بتون مسلمانلری قتل عام ایتمکلی صرهده آیفار یله کوکسندن بش مورشویله یاره افش ونسته خانهده
 وفات ایتمشدر . قتل عامده بو عاتیک بقرقی اتلاف دیکیز بقرقی ده جرح اولمیشدر .

ویرلدی ایسهده هوانک مخالفتی مانع عزیمت اولدی . بو آرهلق طرف
 سلطنتدن بر مأمور مخصوص کلهرک حانیه محافظلغنه قره مراد اغا رفاقتی ایله
 بودیندن معزول دلی حسین پاشانک مأموریتی ارادهسنی کتیردی . دلی
 حسین پاشا کریده کچمک اوزره بنفشه لیمانه کلهچک ایدی . قره مراد اغا
 مقدار کافی عسکر ایله کندیسنه التحاق ایتمک اوزره لیمانه اعزام ایلدی .

کرید
 سردار اکر م معیتنده کی سفائن ایله ساقزه کلوب ایکی قورسه قدرغه ایله
 درسعادته حرکت وعید فطر کونی مواصلته حضور پادشاهییه قبول
 اولندی . [۱] دونمای عثمانی دخی شوالک آلنجی کونی کلهرک و طویلر آهرق
 سرای برونی طولاشدی . دونمانک حرکتنده وحانیه نک ضبطنده اوچ
 کون اوچ کیچه پاییلان شنلکلر شانلی دوننامزک مظفر آ عودتی مناسبتیلده
 تکرار ایدیلهرک حانیه فاتحی استانبوللیلر طرفندن بر شوق عظیم ایله
 استقبال ایلدی .

سردار اکر مک مفارقتندن صکره سوده لیماننده بولنان وندیك
 سفینه لرندن بر قاچ بیک عسکر حانییهی محاصره ایتمک نیقی ایله قرهیه چیقوب
 قلعهیه جوار محللره کلدکلی حانیه محافظی کوچک حسن پاشانک مسموعی
 اولغله قوه کافیه ایله اوزر لرینه هجوم و متحاسر لری پریشان ایلدی .

[۱] سلطان ابراهیمک دور سلطنتی ، صوکرینه طوغری بر در فترت وشورش
 اولمشدی . مقام سلطنت وخلافته عدم لیاقتی عاقبت بو پادشاهک خلع وقتلی انتاج ایلدیکی
 معلومدر . سردار یوسف پاشا حانیه نک قیچندن صکره درسعادته عودتنده نزد سلطانیده
 بالطبع یک چوق مظهر تقدیر والتفات اوله جقدی . چونکه مألوف سیئات اولسنه رغماً
 پادشاهک کرید ظفری ایچون بیوک برصراق واشتیاقی وار ایدی . او آرهلق صدر اعظم
 بولنان سلطانزاده محمد پاشا ، یوسف پاشانک احراز ایله جکی اعتباری ، دها حصولندن
 اول چکمدیکندن مشارالیهی هیچ استانبوله اوغرا تاماق ، حانیهدن طوغریجه مصره
 کوندرمک تشبهنده بولندی ایسهده سردارک بقته درسعادته ورودی کندیسنی
 شاشیرتدی . مع مافیله یوسف پاشانک بو حانیه محاربه سنده ملیونلر آلدیفی حالده پادشاه
 صماکی بر دیرک پارچه سندن بشقه برشی ویرمدیکنی بیان ایله سعایتده بولمقدن کیرو
 طورمدی . فی الحقیقه یوسف پاشا حانیهدن پادشاهه تقدیمه ظفر اولهرق صوماکی
 صرمدن ایکی نفیس دیرک کوندرمش ایدی . بو منافسات دوام ایله نیه نهایت پادشاهک
 یوسف پاشا حقننده کی توجهنک ازاله سنه بادی اولدی . برکون سلطان ابراهیم یوسف
 پاشانی چاغیره رق :

کرید
سوده لیمانده بولنان ونديک دو نمانسی رمضانده بنفشه لیمانه هجوم ایدوب یدی قطعه بورتون ایله بر قالیون آله رق عودت ایتمشیدی .

ذی القعدة نك اواسطنده یدی بیك قدر ونديکلی طوپلانونب حانییه هجوم ایتدیلر . محافظ پاشا ایکی بیك عسکرله مقابله لرینه چیقوب بیوک بر محاربه وقوع بولدی . عثمانلیلر رجعته مجبور اولدقلری صروده قلعه دن بیك بهادر دها چیقوب بوزیلان عسکرله صوک بر هجوم اجرا ایدرک دشمنی پوسکور تیدیلر . بو غلبه قطعی بر نتیجه حاصل ایتدیکندن ونديکلیلر بر میل قدر مسافنده خط محاصره تأسیس ایدرک طیشاری ایله قلعه نك روابطی قطع ایتدیلر . شو حصر وتضیق عثمانلیلری ذخیره جه خیلی مضایقه ده بر اقدی .

فقط بو آره لق دلی حسین پاشا حانییه به موصلت ایدرک ذخیره وقوه عسکر به نك نقصاتی تلافی ایتدکن بشقه هان فردای موصلتده بر مقدار عسکر ایله سوده لیمانی کنارینه قدر کیدوب ونديکلیلرک بر قاچ بوز قویوتی حانییه کتیردی ؛ و طوزله جهته طوغری توسیع دائرة تحکمه

— هایدی کیت ، کریدی تماماً ضبط ایت .

دیمش ایدی . کریدک تماماً ضبطی اوپله قولای ایش دکل ایدی . علی الخصوص موسمده ، اوزمان ایچون ، سفر موسمی دکل ایدی . یوسف پاشا ایضا حات و پردی ایسه ده پادشاه اصرار ایلدیکندن نهایت :

— بن مجنونجه سته ایش یابه مام ، بشقه بر آدمکزی بولایک

مأئنه درشتانه جواب ویرمکنده مضطر قالدی . بوجواب سلطان ابراهیمی بستون حدته القا ایلدیکندن اوآنده قتلنی فرمان ایلدی وایجابی اجرا قلدی . غریبدرکه قتلدن صکره بیچاره نك جسدهی روخنه کویا عطف نظر تار ایله :

— نه کوزل قرمزى الماکه یی ناقلری وار ایش ، یازیق اولدی که قییدم .
دیه سولیش و آغلامشدر . یوسف پاشا عقیف ، درایتلی و حیثیلى پرویز ایدی .
دولته ، وطنه قارشى بذل ایتدیکی فداکارلره بر مجنون پادشاه طرفندن جزای اعدام ایله مقابله اولندی .

کرید
موفق اولدی . ونديکلیلر آرتق سوده دن طیشاری چیه ماز بر حاله کلدی .
یرلیلر ، کویلیلر شهره کلوب کیتکه باشلادیغندن آچلق بلیه سی کاملاً مندفع اولمشدی .

حانییه توابعندن کیسامو قزاسنک سواحل غریبه سنده کی پلانقه محرمک یکر منجی کونی سکبان باشی مراد اغا سردار لقیله اعزام اولنان اوچ بیك کشیدن عبارت قوه عسکر به طرفندن بر کون طرفنده ضبط ایلدی .
بو حادته اوزرینه اطراف و جوارده بولنان اهالی کندیلک لردن کلوب عرض تسلیمیه مسارعت ایلدیلر .


سوده نك قارشیسنده و حانییه طرفنده اولان برون اوزرنده (استرنی) نامنده قاعه کبی بر مناستر بولنوب ایچنده متریسلر قازیلدیغی و اوچ درت بیك عسکر بازیندیغی خبر آنغله موقع حرباً ضبط اولندی و مناستر یقیله رق اطرافنده کی قری ید تسخیره آلدی .

آپوقرون ناحیه سنده کی اهالی بی ونديکلیلرک تسلیح ایتمکنده اولدقلری خبر آله رق قره مراد اغا وداعتی ایله کیدن قوه عسکر به اوراده کی جمعیتلری بریشان ایلدی .

حانییه نك جنوبنده ملاقشه تپه سنده دشمنک استحکامات انشا ایتدیکی ایشیدیلرک قوه کافیه ایله اوزر لرینه واریلوب شدتلی بر محاربه دن صکره ونديکلیلر منهزم و عثمانلیلر اموال واسلحه کثیره اله کچیره رک متعم اولدیلر .
مصادمات هر وقت هر وسیله ایله تمادی ایدوب طور پور و غلبه دائم عثمانلیلر طرفنده قالیوردی .

دلی حسین پاشا کریده وصولندبری ونديکلیلرله قارشى قارشى به اون آلتی

دفعه محاربه ایدوب جمله سنده احرارز غلبه ایلدی . بو سردار دلیره دشمن قارشی طوره میوب اوزاق قلعه و تپه لره فرار ایدردی . حتی ، آرزمانده بتون جزیره القای حرمت و هیبت ایدن بوجسور عسکرک و ندیک رسا - ملری قیطاس نام سیاه آقی اوزرنده تصویرینی یابوب اور و پایه کوندر مشردی . (۱) و ندیکلیرک ترتیبات مکمله ایله بیوک بردونما احضار ایدرهک بر طرفدن



کریدک عاقبت الیمنی حاضر ایانار

یانی اسفا کیانادی

جنرال واسوس

۱۳۱۲ اختلاقی ' جمییت فسار یه تک ریاستنده بولنهرق اداره ایتمش و بالآخره یاسیات ایله اوغرا شه قدن واز کچمشدر . الیوم حایبه ده ملی بانقه تک مدیریته ده بولنقه در .

اطه بی اسفیلانیته یونان حکومتی طرفندن عزام ایدیلن قوه عسکر - یه تک قسومایدا بلغمی در عصبه ایتمش ایدی . او وقت میر آلیلق رتبه سده بولنوردی

چناق قلعه بوغازینی محاصره و دیگر طرفدن کریدده محاربه یه قیام ایده جکلری آکلا - شلدیغندن سابق وزیر اعظم محمد پاشا سردار تعیین ایدیلرهک دونما ایله کوندرلدی ، چناق

قلعه طیشاریسندده دشمن دونماسنه تصا - دف اولنهرق برمدت

محاربه دن صکره بوله دوام و کریده مواصلت ایدلمش و سوده قلعه سنک فحقی اهم امور عد ایدلدیکنندن هان محاصره یه مباشرتله ایکی کون طرفنده اومعتنا قلعه و لیمان دخی اله کچیرلمک درجه سنه کلمش ایدی . آنجق قلعه بر یالین قیا اوزرنده مبنی بولندیغندن تماماً ضبط و تسخیری وقته محتاج بر ایش

(۱) بوتابلونک مطبوع بر صورتی وقتیلله بر رساله ده کورمش ایدک . بودفعه مع التأسف بورساله بی الهه ایتمک ممکن اوله ندی .

کرید ایدی . بو سرده محمد پاشا خسته لنهرق حلول اجل موعودیلله وفات ایشلدر .



رسمونک محاصره و ضبطی :

رسمو محاصره سی ، عثمانلیلیرک کریدده کی مساعی فاتحانه لری میاننده اهمیتیجه اوچجی درجه ده کلیر . فی الحقیقه کریدی تماماً ید تسخیره کچیرمک عزم ایلان عثمانلیلیر حانیه و قندیه قحنده اولدیغی کی رسمو محاصره سنده ده مشکلاته معروض قالمشدر و اونسبتده همت ابراز ایشلدر در .

محمد پاشانک وفاتندن صکره دلی حسین پاشا سردار نصب اولمش ایدی . کریدده ابراز ایلدیکی شجاعت و مهابت عسکریه و بالتیجه احرارز ایلدیکی موفقیات اعتباری ایله بولند همت عسکر ، نامنه هیکل رکز ایدیله جک ارباب شهامتدندر .

مشار الیه شعبانک اون ایکنجی کونی آپوقرونه مواصلتله قیودان موسی باشایی و سار امرایی دعوت ایتمش و یاپیله جق ایشلر حقنده اجرای مذاکرات اولمشدر .

سوده قلعه سنک تماماً اله کچیرلمسی ایچون تعاطی اولنان افکار و مطالعاتده بوقلعه نک مناعت موقعیه سی حسبیلله فضله زمان وفدا کارلغی ایجاب ایتمکده اولدیغنه حکم و یریلره رک کیفیت محاصره تأخیر قلمش و رسمو قلعه سنک تسخیری قرار کیر اولمشدر .

رسمو قلعه سی حانیه قلعه سنندن کوچک اولمقله برابر رضانت و متانتده

کرید
اکا معادل کی ایدی . سردار قوۂ موجودۂ عسکر یہ ایله آپوقرون اوزرنندن
رسمویہ حرکت و شعبانک یکر می اوچندہ قلعہ جوارینه مواصلت ایلدی .
عثمانلیلرک او طرفہ کلکده اولدیغندن خبردار بولنسان وندیکیلر دفع
صائل ایچون قلعہ طیشاریسنده اخذ موقع ایتمشیرایدی ، فقط ایلك هجومده
منهزم و قلعہ داخلنه فراره مجبور اولدیلر .

در حال محاصره یہ باشلانہرق اوج درت کون ظرفنده ، خندق
خارجنده کی طایبہلرہ تحصن ایتمش وندیک عساکری قلعہ یہ قاجغه مجبور
ایلدی . بومیانده برفرقۂ عسکر یہ ده میلو پو طامو قضاسی داخلنده کی
بر بلانقیہی اشغالہ مأمور ایلمش ایدی ، بوفر قہ وظیفہ سنی کمال سهولتله
رہین موفقیت ایلدیکندن رسمو محاصره سی ایچون تزید اقدام و همت ایلدی .
رمضانک سکزنجی کونی قلعہ نک ترسانہ طرفدن خندقلرہ کیریلوب
کیچہ و کوندوز دوام ایدن دهشتلی بر محاریہ نتیجه سنده خندق ضبط اولندی .
متریسلرده ، لغلرده کیجه لی کوندوزلی چالیشلور ، علی التوالی مصادمات
وقوعه کلیوردی . رمضانک اون اوچنجی کونی سردار پاشا بالذات
النده یای اولدیغی حالده سردن کچدیلر آرسنه کوروب روم ایلی آغالرندن
ابراہیم آغایہ :

— نه طور ورسک یوروسهک آ ،

دیمش ، ابراهیم شاهین کی اوچہرق قلعہ نک برجہ چیقمشدر . ابراهیمی
دیگر سردن کچدیلر تعقیب ایلدیکندن قلعہ نک بر چوق بر جلربنه عثمانلی
سنجانی رکز ایلمش ، وندیکیلر بالطبع مقابلہ دن خالی قالمقدلرندن محاربه
اوکله صوکنه قدر وحشیانه بر شدت و دهشتله دوام ایتمشدر . شایان حیرتدرکه

کرید
بو محاربه لر ایچنده قلعہ نک ضبط اولنسان بتون بر جلرندہ اذان محمدی
اوقومشدر .

طیش قلعہ بوصور تله ضبط اولندقدن صکره وندیکیلر ایچ قلعہ یہ فرار
و اوراده تحصن ایلدیلر .

بو آرهلق وندیک دونماسی ده کلدیکنده عثمانلیلر بر طرفدن ایچ
قلعہ نک ، دیگر طرفدن دونماتک طویلرینه معروض بولنیور ایدی . معافیہ
مشکلات نسبتنده تزید غیرت ایلمش و شاطر باشی محمد زمان بکک قلعہ
قیوسنه یقین برج آلتنه حفر ایلدیکی لغه شوالک بشنجی و محاصره نک یکر می
یدنجی کونی آتش ویرلرک بیوک بر رخنه آچلدیغندن عثمانلی غازیلری
یالین قلیچ قلعہ یہ هجوم ایلمشدردر . او کون آقشامه و ایرتسی صباحه قدر
ظرفین غرتلاق غرتلاغه بک خونریز بر عصبیتله بوغوشدقدن صکره آرتق
مدافعه یہ مجالی قالمیان وندیکیلرک بقیة النسیوفی عرض تسلیمیتہ مضطر قالمشدردر .



قندیہ محاصره سنه مباشرتدن اول :

رسمونک ضبطندن صکره سردار پاشا بر مقدار قوۂ عسکر یہ ایله قندیہ قلعہ
ویولدرینک استیکشافتنه عزیمت ایلدی . قلعہ یہ ناظر بر تپه یہ کلدکلری وقت طایبہ
لردن آتش ایلدیکندن ، مقصد محاربه اولمامقله برابر مدافعه یہ لزوم کوزیلرک
وندیکیلردن قرق اللی اسیر آندی ، بو استیکشافتده یولدرک غایت طار و اکثریا
صرب اولدیغی و بناءً علیه قره دن طوپ و مهمات نقلی متمسک بولندیغی
اکلاشیلهرق لوازم مذکورہ نک بحر انقلی مقتضی کوزوندیکی واکا کوره
تدارکاتده بولنلمسی لزومی پایتخته اعلام اولندی .

کریه
قندیه نك محاصره سی ایچون روم ایلی و آناطولیدن عسکر و مهمات نقل
ایدیله رك قره دن و دکزدن بالتضیق دشمنله اوغر اشتمق مقرر ایسه ده دونما نك
حال مؤسفی سو قیات حربیه به امکان بر اقامد یغندن سردار حسین پاشا
طوپلری بجرأ نقل ایتمکدن مایوس اولمش، مقدمات محاصره بی استحضار ایچون
یونلرک برأ نقلنه مجبور قالمشدر. رسمو ایله قندیه آره سننده کی یوللر غایت
صرب، طاعلق و طاشلق اولدینی حالد. مها ممکن تسویه سنه اقدام
اولنه رق ۱۰۵۷ صفرنده قره دن بیک مشکلات ایله کتور یله بیان آلتی
طوب قندیه پیشگاهنه ایصال و مواقع لازمه به وضع ایدلمش و برقاچ بیک
قدر عسکرده محافظه و محاصره به مأمور ایدلمش ایدی. فقط بوکا مقابل
رصانت و متاتی ایله شهر تکیر عالم اولان قندیه قلعه سننده ۸۰۰ طوب ایله
اون ایکی بیک و ندیکلی و اوتوز بیک یرلی عسکر بولندیغندن دونما
وتدازکات مهمه اولینجه محاصره دن بر فائده حاصل اوله میه چیغنده قناعت کلش
ایدی. سنه بویله ترددلر ایچنده کچرک ۱۰۵۸ ربیع الاولنده ینسه قره دن
اولا اون و بالاخره اوچ طوبدها نقل ایدلمش اسباب محاصره به قوت و یرلمکه
چالیشلیدی. زمان زمان اوفاق محاربه لر وقوعه کلایوردی.

شو اون اوچ طوبک نقل و تعبیه سنندن صکره، ربیع الآخر ایچنده محصورین
خندق خارچنده مستحکم طابیه لر انشا ایتمشدردی. عثمانلیلر پک شدتلی هجوملر
اجرا ایدله رك اولا صر بکیر بکی محمود بکک اداره سی آلتنده کی عساکر
(آق طابیه) نامنده موقع مستحکمی اشغاله موفق اولدیلر. کچه دخی مهاجمه به
دوام اولنه رق دیگر ایکی طابیه ده اله کچیرلیدی و قلعه ده کدیگر بیله آچیله رق آز
زمانده حقیقه چوق ایش کورلیدی ایسه ده او آره لق دشمن دونماسی قندیه

کریه
پیشگاهنه کله رك کرک جخانه و کرک قوه امدادیه کتیردیکنندن مقدمات
موفقیته قطعی بر نتیجه ظفره اقتران ایدمه به چیکی استبدال اولنه رق
محاصرلرک غیرت فداکارانه سی ینه بیسود و سکتهدار قالدی.

۱۰۵۹ تاریخده سردار غیور حسین پاشانک اقدام وهمتی ایله قلعه نك
محاصره سنه تکرار باشلاننه رق بودفعه امثال سابقه سنندن شدتلی و خونریزمصادمات
وقوعه کلشدر. دشمن برقاچ دفعه قوای کلیه ایله قلعه دن طیشاری اوغر امش
و هر دفعه سننده قارشوسنه چیقان عثمانلی یکتیلرینک صولت قاهرانه سی اوکنده
طاعیله رق منزه ماً و پک چوق تلفات و یرمک صورتیله رجعت و فراره مجبور
ایدلمشدر.

فقط شو صوک سنه لرده استانبولده سیئات اداره بنیه دولتی اییدن ایی به
چور و ندیکندن کریده لازم کلان تقید کوسترلمه مکده ایدی. دونما ایسه عثمانلیلق
ایچون باعث شین اوله جق بردرک به دوشمش ایدی. قندیه برجلرنده دشمنله
بوغازلشان عثمانلی عساکری قوللرندن، طوپلرندن بشقه استعانه ایده چک
برشی بوله مامق مجبوریت الیمه سننه معروض بولنیورلردی. حالبوکه عثمانلی
اردولرنده محاربلرک مواجب و تعیناتی وقتنده و یریلوب و یرلمه مک مسئله سی
اوته دنبری حادثات مهمه نك منبع ظهوری اولوب قالمشدر. پایختک بواهمال
و تسبیی افراد عسکریه آره سننده بالمجبوریه فتور و کلالی موجب اولیور،
جدی برایشن یاییلوب نتیجه قطعه استحصال ایدلمسهنده بالطبع مانع
اولیوردی.

مقر خلافتی تدلیل ایدن فساد اخلاق نهایت سلطان ابراهیمک خلغنی

کرید
انتاج ایتمکله برابر ۱] امور اداره نك دوزلمسی ینه وقت کچمسنه احتیاج
کوسترمش کوپریلی محمدپاشا کبی تدویر امورده کی اقتدار وموفقیتی ولوله ساز
جهان اولان بر وزیر حکیمک مقام صدارته کچمسنه قدر دولت عثمانیه نك
رونق عظمتی قرارتمشدر .

غالبیت قطعیه دن مأبوس اولان کریده کی افراد عسکریه آرمسنده تفرقه
ونفاق دوشه رک قیاملر واختلاللر باشلامش وحقی سردار فداکار حسین پاشانك
قتله بیه تشبث ایدلمشدر . نصرت ومظفرتی هدف آمال ایدینن بو حیثی عسکر .

۱] سلطان ابراهیمک حله نده ذمیدخل اولانلردن بریده کرید محارباتنه اشتراك ایتمش
اولان بکیرری آغاسی مراد آقادره . بو پادشاه ، غرائب اطواروماملاتندن اوله رق سراپلرینك
درود یواری هی سمور کورک ایله دوشه مکه قصدایدوب هرکسه حالجه سمور کورک
ویرمک رسمی وضع ایلش ایدی . او آره لق کریددن عودت ایدن مراد آغایه ده بر
تذکره ایله مراجعت ایدیلور . تذکره یی کتیرن قیو قوی ایله قره مراد آغا آرمسنده
جریان ایدن شو محاوره موثوق وشایان دقتدر :


قره مراد — بو نه در ؟
قیو قوی — سلطانم حضر تیردن مطلوب اولان ایکی سمور قیایجه ، شو قدر عنبر ،
شو قدر نقد کیسه امداد . پیری ایتمه کز ایچوز کوندر دیلر . لطف ایدوب برکون اول
تسلیم بیورک .

قره مراد — [کوزلری قان چنباغه دونوب متهورانه] واز افندیکه سویله
بن کریددن کلام . آنجه پرداخت باروت ایله یاغلی قورشوندن غیري نسنه یوقدر .
سمور وعنبرک آدینی بزایلدن ایشیدیرز ، نصل شیدر کورمدهک . آقیه دیرسهک بورج
ایله آلوب صرف ایدبورز . بزدن سلام ایت ، بویله جهده سویله .

قیو قوی — آمان افندم نصل اولور !

قره مراد — بیقیل به حریف

[نغیا تاریخی ، قره مرادک بو صوک سوزی ، انسانه اوده زلزله اولبور حسنی
ویرمک بر شدت وده شته سویلدیکنی یازبور .]



۱۳۱۲ احتلالی فجایمندن حاییه یانغینی

۲۴ کانون ثانی ۱۳۱۲ ده حاییه چارشوسنی ، مغازه لری وجوار محله لری محو ایدن بو حریق هائل
خرستیانلر طرفندن آتیلا قورشونلرک ، مسلمانلرک قتل عامنه صرف ایدنک اوزره ادخار ایدلمش مواد
مشتمله یی حاوی مغازه لره اصابت ایتسندن ظهوره گلش واچ کون قدر سورمشدر .

باش کوسترن فسادی باصدیر دقدن صکره کندینی اتلافه جرأت ایتمش او عاصی
افراد ایله قندیه یی تکرار محاصره ایتنک مهارتی کوسترمشدر . بو صوک
محاصره ده . یالکز عثمانیلردن یکریمی بیک عسکر تلف اولدیغی مضبوط
ومو ثوقدر .

دشمنک کترتی وکوریله جک ایشک وسعت وعظمتی قارشوسنده برفته
قلیله دن عبارت قلان کرید غازیلرینک متعادیا اوغراشوب افنای حیات
ایتمه لری بی فایده ایدی . دکزلری ونیدک کیملری طومش . لمنی . بوزجه .
اطه کبی بعض جزا بر بو جمهورک یداستیلاسته کچمش ، حتی چناق قلعه بوغازی
دشمن کیملری طرفندن قیاتلشدی . کنعان پاشا اداره سی آلتنده ونیدک دونماسی

کرید
اوزرینه کوندریلای یتیش طقوز کمدن مرکب عثمانلی دونماسی . امرا و افرادک انضباط و انتظامدن و اصول حربدن تماماً محرومیتلرندن طولایی بوغاز خارچنده برهزیت کلیه اوغرادای . شو مصیبتی متعاقب قندیهنگ تسخیری شویله طورسون ، اولجه ضبط اولنان محللرک محافظهسی بیله برامر حال حالتی آیلوردی .

بو مدهش ورطه دن قورتلنهنگ چارهسی وندیکیلره بجزراً تأمین غلبه ایتمکله میسر اوله ییلوردی . دائماً حال تدافعی ده بولنان وندیکیلر دونمازک هزیمتی متعاقب تعرض و تجاوزه و کزیده کی عثمانلی عسکری اوزرینه هجومه بیله باشلامشیر ، مصر و جزایردن کلن کیلری ساقز حوالیسندنه ضبط ایلشردر . کو پرلی محمد پاشا ۱۰۶۶ ده مقام صدارتی احراز ایدر ایتمز مکنت بحریه مزک تأمینتی هر تشبیدن اقدام ییش ، محو اولان دونمائی یوقدن وار ایدمک خارقلر کوسترهنگ اوکشمکش احوال آره سنده بیوک کوچک درت یوز پارچه یه یقین کمی انشا و تجهیز ایتدیرمشدر .

اوزمانک انکلیزلی حکمنده اولان وندیکیلری ، یکر می سنه اولنه کلنجه یه قدر قوت وشو کتمزه انقیاد ایتدیرن ماهر کمپیلر من ، مقتدر قپودانلر من قسماً وفات ایتیش ، مرض مستولی فسادک سوء تأثیر یله قسماًده افنا ایدلش اولدیغندن وزیر عز پرور محمد پاشا صدارتک ایکنجی سنه سی شعباننده دونمازک قومانداسنی بالذات در عهده ایدمک بوغازدن طیشاری چیقمشدر . آبلوقه ایله مشغول دشمنه قره دن ، دکزدن شدتلی آتش ایدیلرهنگ سفینه لرک ساحلدن آچلمسنه اجبار اولمش وشوالک بشنجی کونی محمد پاشا بتون دونما ایله هجوم اجرا ایتمشدر .

کرید
امرا و افراد ، لازمه انقیاد و انضباطه لایقوله آلیشه مدقلری ایچون بعض قپودانلر هوا وهوسلرینه اویهرق اثنای هجومده موقع حربدن اوزاقلاشمشلردر . روزکارک غیر موافق جهت وزانندن طولایی کیروده کی سفاننده مناسب موقع طوته مدقلرندن دشمن شو بجزر یکسر لکدن بالاستفاده ماهرانه مانورالر بایهرق تأمین تفوقه چالیشیوردی . دونمازک ظفر دن نومید پیک مایوس برحاله قالمش ایدی . مع مافیله خصم جاحد ایله ینه فداکارانه اوغراشمقندن خالی قالمیوردی . غلبه یه طوغری آن بان تقرب ایدن وندیکی کیلری قوماندانی مشهور و نامدار کور قپودان شوالک آلتنجی کونی ایکندی اوزری سردارک راکب اولدیغی باش ترده اوزرینه اجرای صولت ایلدی . امید خلاص مفقود ، فلاکت محقق ایدی . سردار لرینی دشمن پنجه سنده کورن عثمانلیلر فوق الطبیعه بر غیرت ایله قره دن و دکزدن مهاجملر اوزرینه کولله یاغدیدیلر . بر تصادف ، بر فردک حد ذاتنده کوچک فقط نتیجه سی اعتبار یله پک بیوک برهمتی ، طالع حربی دکشدرهنگ عثمانلیلره فوق المأمول بر مظفریت تأمین ایلدی . قوم برونی متریسلرندن قره محمد اسمنده بر طوطیجی کور قپودانک راکب اولدیغی کمینک ججخانه سنه بر کولله اصابت ایتدیرمش . زمانک بلکه اک جسم و مهیب سفینه سی او قوجه قالیونی آن واحده بر هوا ایتیش ایدی . تأثیر اشتعال ایله اوچان انقراض اطرافده کی کیلره ده آتش ویردی . قوماندانلرینک بر آنده کیسیله برابر محوینی کورن وندیکیلرک قوه معنویه لری فنا حلاله بوزلمش ایدی . عثمانلیلر بوشاشقینلقدن بحق استفاده ایدمک دشمنه شدتله صولت کوستردیلر و یارم ساعت اوغراشدقدن صکره نصرت وغالبیتی کندیرینه تأمین ایتدیلر . وندیکی



۱۳۱۲ اخلاقی فجايعندن قندیه يانغینی

۱۳۱۲ سنه سنده انكلیز عساکرينك حقسز مداخلاتی یوزدن تحذرت ایدن قندیه وقعه سی اشناسنده ظهور ایش و بک زیاده توسع ایدهرک شهرک تجارتهکاء قسمی خراب ایلشیدر. کورین دیوارلر چارشونک لیجان قیوسندن سبیل چشمه سنه قدر اولان جهتیدر

دونمسانک بقایاسی پریشان بر حالده اختیار عار فرار ایلدی . شمسر تابان بر آز اول عثمانلی دونمسانه حزین والیم بر لوحه غروب حاضرلارکن شمسی کنار افقده عثمانلی سنجانک عکس مظفرتی کبی بر قرص لعلکون حالده شمشعه ایله پارلايور . اغترابکاهنه چکلمه دن اول دونمسانک شوکت غالبیتی سلاملامق ، تجیل ایتک ایستیوردی ...

تام هدفه اصابت ایدن بر کولله نك تأمیری یالکیز دونمسانه غلبه بخش ایتکدن عبارت دکلدی . بوغازلر دشمن آبلوقه سندن قورتیلیور ، عثمانلی صولری ونديک کیمیندن ، قورصانلرندن تطهیر اولنیور ، کریدک یولی آچیلیور ، نا تمام قالمش بر قحک وسائط اکمالی تأمین ایدلمش بولنیوردی . عثمانلی دونمسانی احیا و ونديک دونمسانی پریشان ایدن کویریلی محمدپاشا ، قندییه ضبط